

ANALOGO-DIAPHORA,

S E U

Concordantia Discrepans, & Discrepantia Concordans

trium Linguarum,

Gallicæ, Italicæ, & Hispanicæ.

Unde innotescat, quantum quæque à *Romana* lin-
guæ, unde ortum duxere, idiomate deflexerit;
earum quoque ratio & natura dilucidè & suc-
cinctè delineantur.



Operâ & studio

m-12-37

PETRI BENSE *Parisini* apud
OXON: *has linguas profitentis.*



OXONIÆ,

Excudebat GUILIELMUS TURNER,

Impensis Authoris. M.DC.XXXVII.

ANALOGO DIAPHORA

211

Concordantia Discrepans
& Discrepans Concordans

etiam Discrepans

Discrepans Discrepans



1691

OXONIA

MDCXXVII



ALMÆ MATRIS
Clarissimæ Pallados soboli
Inchyte OXONIENSIIUM
Academiæ.



*N*tibi, Clarissima Musarum Pro-
genies & Patrona, uno eodem-
que fonte scaturientes tres limpi-
dissimi sese consecrant rivuli: En
tibi (fertilissimum universæ doctrinæ semina-
rium) tres surculi sese devovent, uno eodemque
exorti trunco. Tuum sollicitè ambit patroci-
nium, ad tuum solius se sistit tribunal pulcher-
rima linguarum trias, eâdem prognata matre,
Gallica nimirum, Italica, & Hispanica. Cir-
ca primatum celebris olim dearum triados a-
pud Paridem, inter eas non dissimiles exortæ
sunt

Epistola Dedicatoria.

sunt lites, non minori difficultate quam iudicio componendæ: Quem arbitrum constituent deliberatur. Galliam? Italiam? Hispaniam? quælibet partium favore vel odio meritò suspecta: Vno itaque consensu ad tuam dignitatem, Ornatissima Academia, se conferunt, apud quam communis illarum parens, lingua Romana suum videtur constituisse domicilium: Singulæ suis expressæ coloribus tuæ se submitunt censuræ. Gallica, quamvis Teutonicis hinc inde distincta maculis, primum nunc dierum ferè locum obtinet: æquissimus quippe Gallix genius eam tantâ adornavit elegantia, ut duabus alijs facillimè palmam præripiat: culta enim & elegans ipsius forma omnium sibi conciliat animos; tum verò præcipue eorum, qui nobilitatem sanguinis nobilibus student decorare linguis: In aulis omnium propemodum principum, maxime occidentalium, viget illa & floret: & in tot sese jam nunc orbis diffundit partes, ut non parvâ cum gloria & honore lingua Nationum appelletur,
tam

Epistola Dedicatoria.

tam lati sunt suavis illius imperij fines, ut vix longius excurrant materni limites regni, quod utrum invidiam, vel potius gaudium almae ipsius creare debeat parenti, liquido non constat. Italica suos lepores habet, acuminibus lascivit, delicatâ sermonis formulâ, tenellâ & auribus aptâ oratione luxuriat, suavitatis plena & venustatis superbit, miro sublimis elegantiae delectu ante discrimen triumphat; utpote quae vividiora, magis genuina & nativa referat matris lineamenta. Hispanica gressu ad nativam non mimicam gravitatem composito, paulò citra elationem erecta incedit, grave & severitati propius dicendi genus amplexatur, non triste tamen nec impexum, sed expoliturum & magnificum; muliebrem cultum dedignatur, nervosa lubentiùs audit, quam fucata: nec immeritò à quibusdam vocari solet lingua Deorum, Italica Angelorum, Gallica hominum. Sed manum de tabulâ, ne tedium quod impolitâ verborum congerie creaverim, & prolixâ insuper adaugeam: Me advocatum
pro

Epistola Dedicatoria.

pro modulo meo qualem qualem præstiti, rationes cujuspiam, analogias, & discrimina pro succinctâ Epistola mensurâ leviter prælibavi, fusiùs in libello tractaturus. Hasce suorum laborum primitias devoti erga te animi quaecunque ^{τεχνησιον} sub umbra tui patrocini in lucem edi peroptat.

Tuis omnibus addictissimus

PETRUS BENSE Parisinus.



ANALOGODIAPHORA

Trium Linguarum,

Gallica, Italica, & Hispanica.

De Literis in genere.

Galli, Itali, & Hispani, (quorum Idiomata, eorumque analogiam, & peculiare differē-
tias, præsertim jam suscepimus explicandas)
quoad characterum seu literarum formas &
nomina quidem consentiunt, sed quoad numerum ali-
quo modo discrepant.

Itali quinque solum vocales habent, *a, e, i, o, u*; qua-
rum imperium adeo latè extenditur, ut omnia prorsus
hujus Dialecti vocabula in unam ex illis necessario fini-
ant; nullaq; inveniuntur terminantia per consonas præter
quinque monosyllaba, tres Præpositiones, *In, Per, Con*,
Adverbium negativum *Non*, & Articulus *Il*. Et quam-
vis sæpè reperiuntur voces, quæ in *m, n, r, l*, desinere vi-
dentur, non sequitur similia vocabula non finire in voca-
lem, sed solummodo vocalis finalis eliditur ratione liqui-
darum; quando scilicet dictio sequens incipit à consona,
ut postea fusiùs explicabimus: quando de vocibus trunca-
tis sumus tractaturi.

Sextam vocalem à Græcis mutuata non admittunt;
sicut *Galli & Hispani*; neque *j* consonam; neque *x*; ne-
que *ph*; nec *ch* ante *a, o, u*. Nec tandem ꝑ cum cedilla,
Gallis & Hispanis admodum familiare,

B

I vocales

I vocalis y partes sibi vendicat.

Quoties j apud *Latinos, Gallos, & Hispanos* consonantis qualitate induta in oratione poterit adesse, illi præponunt *g*, ut naturam mutet, & fiat vocalis, justus *giusto*, jardin *giardino*, jamas *giamaj*: aliquando etiam solum *g* in illius locum substituunt, ut in his dictionibus Latinis Juniperus *Ginepro*, objectum *oggetto*; & Gallicis, jalouse *gelosia*, jambe *gamba*.

S locum tenet *x*, & illius vice inter duas vocales ut plurimum duplicari solet, Alexander *Alessandro*, saxum *sasso*. Si verò post *x* sequitur *c*, cum *e* aut *i*; tunc *x* in *c* mutari debet, excellens *eccellente*, excitare *eccitare*, alias semper mutatur in *s*.

Scribunt *f* loco *ph*; philosophus *filosofo*: & dictionibus quibus Latini & Galli *ch* apponere solent; aspirationem rescindunt tanquam superfluam, charitas *charité* *carità*, chorus *choeur* *coro*, charbon *carbone*, chose *cosa*; id quod similiter observant ante *e* & *i*, Gallorum, chercher *cercare*, chifre *cifra*: & superfluitas apparet in eo quod *c* ante *e* & *i*, apud Italos proferatur eodem modo quo *ch* apud Gallos; ultra quod *ch* Italicorum ante *e* & *i* pronunciari debeat, tanquam Gallorum *que*, *qui*; aut Germanorum *ke*, *ki*.

Neque possunt Itali quarundem consonantium ferre concursum, sicut *b, c, p*, ante *t*. *b* ante *d, m, r, s, t*; *m* ante *n*. Sed priorem mutant in sequentem consonam, obtineo *ottengo*, pectus *petto*, sceptrum *scettro*, subdiaconus *soddiacono*, submergere *sommergere*, subridere *sorridere*, absolutus *assoluto*, subtilis *sottile*, somnus *sonno*, damnum *danno*. Nec solent admittere tres consonantes consecutivas, nisi ultima trium sit *l*, aut *r*. Ideo dicunt *costante*, *astinenza*, *trasmuto*, & non *constante*, *abstinenza*, *transmuto*: Optimè verò *conclusionè*, *semplice*, *splendore*, *centro*,

tro, sempre, strame : de hac re poteris consulere *Lodovico Dolci*, in suo tractatu *Della lingua volgare*.

Galli & Hispani sex vocales agnoscunt, *a, e, i, o, u, y*, & consonantes, quas *Itali* respuunt, admittunt : Verùm *Hispani* hâc in parte sunt superiores, nam præter consonas, quibus simul omnes utuntur, adhuc duas recipiunt, & quoad pronunciationem, & quoad valorem ab aliis omnino diversas, nimirum geminam *ll*, & *ñ*, quam vocant *ñ*, cum tilde, ut in istis *llamar, llorar, empeñar, enseñar*.

Ultimam *Galli & Itali*, neque etiam *Latini* exprimere possunt, nisi duplici literâ, videlicet *gn*, quarum munere ut plurimum fungitur, ut in sequentibus *Seigneurie, Signoria, Señoria*; *Espagne, Spagna, España* : aliàs si *gn* scribere illis occurrat, illud proferunt sicut *Latini*; jungendo scilicet *g* cum primâ syllabâ, & non cum postrema, sicut faciunt *Galli & Itali* : Nam si *Gallica* aut *Italica* pronuntiatio esset retinenda, tunc scriberent *ñ* cum tilde, & non *gn*, v.g. dignus *diño*, magnificus *mañifico*, id quod esset absurdum, ut bene notavit *Nebrissenfis*, & *Cæsar Oudin*, initio suæ *Grammatices*. Hac item literâ utuntur *Hispani* in dictionibus quibus *Itali* solent apponere duplicem *nn* : *Anno año, danno daño, donna doña, inganno engañó, sonno soño*.

Altera quæ est duplex *ll*, neque ab his, neque ab illis exprimi potest, nisi à Gallis post *i*, maxime quando coalescit in diphthongum cum alia vocali, ut in nominibus *muraille muralla, merveille maravilla*. Hujus autem consonantis discrimen à duplici *Latinorum & Italicorum ll*, patet in eo quod *Latini & Itali*, & etiam ut plurimum *Galli* primam *l* cum prima syllaba proferant; alteram cum postrema, *villa, ville, villa, vil-la, vil-le* : *Hispani* verò in una eâdemque syllabâ *vi-lla*. Ideò doctiores simplicem *l* apponunt quibusdam vocibus, quibus necessa-

riò conservari debet sonus Latinorum, illustris *ilustre*, excellens *excelente*, Camillus *Camilo*, Tullius *Tulio*, ut optimè observarunt *Christophorus de la Casa*, *Johannes Miranda*, & noster *Oudin*. Deinde esset absurdum duplicare eandem consonam in eadem syllaba, maximè in principio dictionis, sicut Hispani solent facere pro hac consona, præsertim vocibus quibus Latini & Galli scribunt *l*, quavis alia præcedente consonâ, *flamma flamme llama*, plenus *plein lleno*, clavis *clef llave*; Secundum Germanorum & Anglorum usum, qui sæpissime suas geminant consonas, v.g. *v* & *l*, ut in hoc verbo *Ich will, I will*.

De literis in specie, ubi peculiares quedam mutationes examinantur; ac primùm de Vocalibus & Diphtongis.

QUamvis Hispanorum vocales *i* & *y* eundem prorsus habeant sonum, magnum tamen inter eas discrimen comperio: Nam *j* consonantibus semper jungitur, vel in eadem syllaba, ut *infinito*, vel per se syllabam facit, ut *imitar*; nec in diphtongo locum habet. *y* verò nunquam jungitur consonanti, nisi in principio dictionis, idque rarò, v.g. in istis *yr*, *yzquierdo*; sed cum aliis vocalibus in diphtongum coalescit, *yugo*, *mayor*, *ayudar*; & aliquando per se syllabam componere potest, ut in his participiis *Leydo*, *oydo*.

Ejusmodi differentia etiam observatur à Gallis: Nam illorum *y* nunquam scribitur, nisi in fine dictionis, & medio inter duas vocales, *joye*, *monnoye*, *croyons*, *voyons*; alias si in similibus scriberetur *j*, esset ambiguum, an hæc litera vocalis aut consonantis naturam haberet.

Galli semper mutant *a* finale nominum Latinorum in *e*, *papa pape*, *Europa Europe*, *Roma Rome*, *Maria Marie*,
Epigramma

epigramma *epigramme*, quam Itali & Hispani retinere solent. Itali è contra Gallorum *e* sæpissime mutant in *a*, *chemin camino*, encore *ancora*, ennuyer *annoiare*, guetter *guattare*, recommander *raccomandare*, guerir *guarire*: maxime interminatione infinitivorum primæ Conjugationis, parler *parlare*; penser, *pensare*; arriver, *arrivare*: qua quidem mutatione etiam utuntur cum quibusdam vocibus Latinis v. g. expectare, *aspettare*; juvenis, *giovane*.

Item Itali mutant *u* Latinorum in *o*, populus, *popolo*; manus, *mano*; cornu, *corno*; multum, *molto*; mecum *me-co*: & vice versa *o* in *u*; occidere, *uccidere*; obedire, *ubedire*; officium, *ufficio*.

Præterea mutant *e* in *i*, inde, *indi*; deus, *dio*; meus, *mio*; defectus, *difetto*: maximè vocibus Gallicis incipientibus ab *im*, *in*, *re*, *des*, embarasser, *imbarazzare*; enseingner, *insegnare*; reposer, *riposare*; desfaire, *disfare*. Et vice versâ Latinorum *i* ferè semper mutant in *e*, silva, *selva*; lignum, *legno*; timere, *temere*; videre, *vedere*: Hispani è contra *e* solent apponere dictionibus quibus Latini & Itali apponunt *i*, invidia, *embidia*; lingua, *lengua*; infirmus, *enfermo*; inganno, *engañõ*; qua in parte cum Gallis sat bene conveniunt, enseingner, *enseñar*; enuoyer, *embiar*.

Hanc ultimam vocalem nimirum *e* Galli & Hispani addunt vocibus, quas Latini & Itali incipiunt per *s* sequente aliâ consonâ, spiritus *spirito* esprit *espiritu*; spes *speranza* esperance *esperança*, scribere *scrivere* escrire *escribir*.

Hispani insuper vocibus Latinis, Gallicis & Italicis interponunt vocalem *i* ante *e*, quando illud *e* inter duas consonantes includitur, tempus *tempus* tempo *tiempo*, terra *tierra*, septem *sete*, parens *pariente*, centum *siento*, le-

pus liebre, semper siempre.

Parem rationem observant pro vocabulis, quæ includunt *o* inter duas consonantes; cui solent præponere *v*, sed prius mutant *o* in *e*, corpus, corps, corpo, *cuerpo*, mors *muerte*, pons *puente*, porta *puerta*, cornu *curno*, fortis *fuerte*, hospes *huesped*, noster *nuestro*, jocus *juego*. Quæ ambæ vocalium additiones etiam apud Italos sunt in usu, Petrus *Pietro*, latus *lieto*, cæcus *cieco*, homo *huomo*, bonus *buono*, locus *luogo*.

Itali & Hispani Gallorum diphthongos ad simplicem vocalem ut plurimum reducere solent. Galli è contrâ omnibus ferè vocabulis quibus Latini, Itali, & Hispani, simplicem apponunt vocalem, unam aut alteram addunt, ut fiat diphtongus; adeò placet illis plurium vocalium concursus, amare *aimer*, amor *amour*, rex *roy*, pax *paix*, vox *voix*, piscis *poisson*; qua ratione mutant *o* Latinorum in *eu*, nominibus quæ desinunt in *or*, autor *auteur*, honor *honneur*, rumor *rumeur*, doctor *docteur*, pastor *pasteur*. Apud veteres verùm Gallos non erat adeò frequens diphthongorum usus, sed sæpius vocali utebantur simplici, pro quibus jam duplicem usurpare solemus, ut notat doctus *Pasquier* in suis disquisitionibus Gallix, *Recherches de la France*; Et ipsemet legi *mult*, *Folque*, *lor*, *vos*, *aray*, *ama*, in historia *Pepini & Bertha* ab *Helinando* autore vetustissimo conscriptâ; quæ jam dicimus *moult*, *Foulque*, *leur*, *vous*, *aray*, *aimay*.

Utque faciliorem diphtongis aditum præbeant Galli, sæpius consonam ex medio rejiciunt, sic dicunt à bibere *boire*, laudare *louër*, videre *voir*, fides *foy*, crudelis *cruel*, Augustus *Aoust*; ut etiam observant Hispani, legere *leer*, pecten *peyne*, maxime pro consona *d*; credere *creer*, laudare *loar*, videre *veer*, cadere *caer*, audire *oyr*, ridere *reyr*, iudex *juez*, radix *rayz*, hodie *oy*.

Nec

Nec solum hoc, sed ferè semper soliti sunt Galli voces Latinas contrahere, præsertim nomina; ita ut, quæ quatuor syllabis constant, ad tres reducantur; quæ tribus ad duas; quæ binis, ad unam, ut in his exemplis, Imperator *Empereur*, procurator *procureur*, salvator *sauveur*, piscator *pescheur*, caulis *chou*, clavus *clou*, clavis *clef*, caput *chef*, tempus *temps*, canis *chien*, corpus *corps*, lupo *loup*, burgus *bourg*, locus *lien*, longus *long*, & similia.

Et tandem quia Itali omnia sua prorsus vocabula in aliquam vocalem finiunt, ideo finales Latinorum & Gallorum consonantes rejicere solent, ut in istis Latinis, lumen *lume*, mulier *moglie*, novem *nove*, septem *sette*, forsan *forse*, mecum *meco*, versus *verso*; & Gallicis *mais* *mà*, assais *assai*, compagnon *compagno*, flacon *fiasco*. Vel vocalem addunt in fine, sum *sono*, sub *sotto*; maximè vocibus quas cum Gallis communes habent, hier *hier*, demain *domani*, grand *grande*, poltron *poltrone*, ut sunt infinitivi desinentes in *er* & *ir*, quibus addunt *e*: *trouver* *trovare*, *chercher* *cercare*, *venir* *venire*, *partir* *partire*.

De Consonantibus.

ITali, Latinorum & Gallorum, *c* sæpius mutant in *g*, locus *luogo*, lacus *lago*, lachrimæ *lagrime*, chat *gatto*, crier *gridare*: Sed de hac re vindictam sumunt Hispani, & illorum *c* iterum mutant in *g*. *Secondo* *segundo*, *amico* *amigo*, *cieco* *ciego*, *alcuno* *alguno*: & aliquando *c* Latinorum mutant in *x*, dicere *dezir*, tacere *hacer*; sicut etiam nominum *x* finale, judex *juez*, pax *paz*, vox *voz*, crux *cruz*, radix *raiz*.

Hispani *b* & *v* consonam solent confundere; & illis indifferenter utuntur, *savana* vel *sabana*, *savio* vel *sabio*.

Hac in parte imitantur illos nostri Vascones seu Gascones Gallia, & Languedochi ut Tolofani, Narbonenses, Monspellienses & Nemeti, quibus adeo familiaris est prolatio *b*, ut vix *v* consonam pronunciare queant, *v g. vostre valet*, proferunt ac si esset scriptum, *bostre balet*. Si tamen sequitur una ex liquidis *l* aut *r*, tunc Hispani scribunt *b* & nunquam *u*, *hablar*, *hombre*, non *haular*, *homure*; nam inde sequeretur incommodum, & in simili casu *v* posset accipi tanquam vocalis.

Apud Italos autem consona *v* tenet locum *b* Latinorum inter duas vocales, diabolus *diavolo*, Tiberis *Tevere*, fabula *favola*, habere *havere*, scribere *scrivere*, bibere *bevere*; & etiam apud Hispanos, ut in superioribus verbis *haver*, *escribir*, *bever*; maximè vocibus quas cum Gallis communes habent, *descourir* *descubrir*, *achever* *acabar*, *envoier* *embiar*, *aviser* *abisar*, *poure* *pobre*, *lieure* *liebre*: id quod similiter observant pro Latinorum & Itolorum *p*, cooperire *coprire* cubrir, capilli *capegli* cavellos, opus *opera* obra, supra *sopra* sobre.

Hispani etiam ut plurimum confundunt *j*, scilicet Jota, & *x*, & aliquando *g*: maximè quando collocatur ante *e*, ut apparet ex hoc nomine, *Tijeras*, *Tixeras*, *Tigeras*; quod vel *j*, vel *x*, aut *g*, indifferenter scribi solet. Et sæpissimè altera alterius locum occupat, ut patet ex verbis *escoger* *escogo*, *dezir* *digo*, *traer* *traygo*, quibus *g* indicativi mutatur in *j* & *x*, pro optativo *escoja*, *dixera*, *truxera*, *dixesse*, *truxesse*, & etiam in Aristo *dixe*, *truxe*. Item nominibus in *x*, quæ in plurali mutant *g* in *x*, *relox* *relages*, *sarax* *carcages*. Præcipuè verò *j* & *x*, sæpe ad libitum ponunt, sicut *b* & *v*, *pajaro* *paxaro*, *travajo* *travaxo*. Neque mirum, quandoquidem ambo & etiam *g* ante vocalem *e*, eandem fere pronunciationem habeant, quamvis Hispalenses & alii Andalusia populi, sicut Grana-

natenses

matenses & Murciani admittere videantur, de qua re poteris consulere *Salazar*, in suis Dialogis *De la Grammatica*, Gallico & Hispanico conscriptis Idiomate.

Hispani in principio dictionis ferè semper mutant *f* Latinorum, Gallorum, & Italarum in *b*, *fames*, *faim*, *fame*, *hambre*; filius *hijo*, ferrum *hierro*, fumus *humo*, fatum *hado*, facere *hazer*, fuir *huir*.

Latinorum & Gallorum *l* quando ab alia præceditur consona, apud Italos mutatur in *i*, Templum, temple, *tempio*, flumen *fiume*, planctus *pianto*, blanc *bianco*, blond *biondo*: Sed signum aspirationis interponunt, quando dicta liquida præceditur à *c* aut *g*; clamare *chiamare*, clavis *chiave*, glacies *ghiaccio*, glouton *ghiotto*, Angleterre *Inghilterra*.

Similibus vocibus apponunt Hispani geminam *ll*, ut superius ostendimus; sed si liquidam *l* quam Itali mutant in *j*, antecedit vocalis *u* precedente *c*; quibus etiam Itali rescindunt *u*, Hispani loco *l*. substituunt *j* longum, oculus. *occhio*, *ojo*; speculum, *specchio*, *espejo*; pediculus, *pidocchio*, *piojo*; auricula. *orecchia*, *oreja*.

Eadem consona etiam utuntur loco *l*, inter duas vocales posita, consilium *consejo*, filius *hijo*, melior *mejor*; quibus Itali solent interponere *g*, ad mitigandum sonum, *consiglio*, *figlio*, *moglie*, *meglio*. Nec non pro duplici Gallorum *ll*, Pareille *pareja*, oreille *oreja*, aiguille *aguja*, travailler *travajar*. Et aliquando Latinorum *j* consonam mutant in *y*, jam *ya*, major *mayor*, jejunos *ayuno*, iugum *yugo*, jacere *yazer*.

Italici familiare est Latinorum *t* in *d* mutare, pater *padre*, mater *madre*, latro *ladro*, scutum *scudo*: sed Hispanis fere semper usitatum, & litera *d* illis quasi videtur esse peculiaris; Petrus *Pedro*, vita *vida*, totum *todo*, salutare *saludar*, petere *pedir*: maximè nominibus Latinis, quorum

rum

rum Ablat. definit in *te* precedente vocali, abas *abad*, hospes *buesped*, paries *pared*, salus *salud*, virtus *virtud*; ut sunt omnia fœminina in *as*, ætas *edad*, auctoritas *autoridad*, veritas *verdad*. Quam terminationem etiam sequuntur Itali, potissimum Poëtæ, *etade*, *autoritade*, *veritade*, *libertade*: Verùm Profatores lubentiùs rejiciunt ultimam syllabam, & à finale gravi notant accentu, *etâ*, *autorità*: ut etiam observatur à Gallis, mutatâ nimirum Italorum *â* in *é* mascul. *auctorité*, *verité*, *liberté*.

Galli & Hispani *d* commune habent pro nominibus fœmininis in *ade*; bravade *bravada*, salade *ensalada*, serenade *serenada*: Itali verò mutant *d* in *t*, *bravata*, *insalata*, *serenata*.

Si autem Latinorum *t* præceditur à consona, maximè *c* aut *l*, tunc Hispani eorum loco aspirationem ponunt, pectus *pecho*, nocte *noche*, octo *ocho*, dictum *dicho*, factum *hecho*, multum *mucho*, auscultari *escuchar*. Sed illud servant nominibus in *or*, doctor, pictor, quæ etiam sunt Hispanica.

Verùm si illud Latinorum *t* præceditur ab *i*, quod à Latinis proferatur sicut *c*, tunc mutant *t* in *c*; *gracia*, *intencion*, *leccion*, *vigilancia*, *diligencia*: quibus Itali apponunt *z*, maximè nominibus in *antia* & *entia*, *vigilanza*, *diligenza*: quod quidem *z* à Gallis mutatur in *c*, *vigilance*, *arrogance*, *diligence*, *prudence*, Hispanorum more.

Neque hic pretereunda Italorum *s* peculiaris quadam proprietas, quæ nimirum simplicibus præfixa vocibus negationem importat, ac inseparabili Gallorum & Hispanorum præpositioni *des* æquivalet, ut in his verbis *coprire*, *couverir*, *cubrir*; *scoprire*, *descouvrir*, *descubrir*; *caricare*, *charger*, *cargar*; *scaricare*, *descharger*, *descargar*. Neque solum hoc, sed generatim loquendo primitivis quibus-

quibuscumque præposita significationem potest immutare, ut ex sequentibus perspicui potest, *fortunato, sfortunato; convenevole, sconvenevole; proposito, sproposito; conoscente, sconoscente; cortese, scortese*; & generis ejusdem quamplurimis: vel saltem significationem intendit, v. g. *crollare* significat concutere, *scrollare* fortiter & cum violentiâ concutere; *compartire* dividere; *scompartire*, exactè & minutim dividere.

Cæterùm Hispani nullam prorsus duplicant consonam præter *l* & *r*; Galli verò & Itali sæpissime, ac duplici potissimum ratione: primò ut vocabulorum extollant sonum, qui aliàs sine ejusmodi duplicatione esset nimis humilis & remissus. Secundò, ut auferatur æquivocatio & ambiguitas vocum, quæ propter similitudinem sæpius solet occurrere, v. g. in his Gallicis, *desert, dessert; cousin, coussin; poison, poisson; Mary, Marry*: & Italicis, *sono, sonno; dono, donno; polo, pollo; copia, coppia; caro, carro; cassa, cassa; contesa, contessa; peto, petto; fato, fatto; sete, sette*.

Accentuum variatio & necessitas.

Hispani unicum solum agnoscunt accentum, scilicet, acutum: & illum fere numquam notant, nisi in vocibus, ubi potest esse æquivocatio; ut in Futuris Indicativi, & Subjunctivi, maxime pro prima conjugatione; & tunc scribunt accentum in ultima, quando videlicet est futurum Indicativ. *Amaré, cantaré, hablaré*: In penultima verò, quando est Subjunctiv. *Amáre, cantáre, habláre*.

Itali acutum & gravem recipiunt. Gravis locum habet in 1^a & 3^a Futuri, *Penserò penserà, udirò udirà*. In 3^a persona

persona Aoristi primæ & tertiæ Conjugationis, *Amò, cantò, morì, dormì*. Necnon in prima ejusdem temporis 3. ordinis, si in simplicem vocalem desinat, *apri, sen-ri, parti*.

Item nominibus in *a* apponitur gravis, *Giesù, virtù, Perù*. Fœmininis in *a*, iis videlicet, quæ veniunt à Latinis in *as*, quorum Genitivus desinit in *atis*, penultima longa, tempestas *tempestà*, libertas *libertà*: quæ ut plurimum acuto Galli notare solent, *liberté, chasteté*. Ac tandem Monosyllabis. *rè, pò, hò, fò, vò, fè, mà, sù, giù*, & aliis ejusdem generis.

Acutum verò solummodo notant ad vitandam æquivocationem, *v. g.* in tertia plurali Aoristi primæ & tertiæ Conjug. quando nimirum ultima truncatur Syllaba, ut sæpius solent observare Poëtæ: *Amáro, cantáro, fuggí-ro, moríro*; pro *Amarono, cantarono, fuggirono, morirono*: ut videlicet à prima futuri possit dignosci, quæ accentum gravem recipit. Sanenses tamen & Romani, & alii, qui linguæ suavitati student, mutant characteristicam *a* in *e*, pro Futuro primæ Conjugationis; *Amerò, canterò, parlerò*; & sic nullus æquivocationi datur locus.

In participiis similiter truncatis primæ Conjugationis, *cérco, dèsto, caríco*; ad differentiam tertiæ Aoristi, quæ gravi notatur, ut suprà diximus: Nec non primæ præsentis *cerco, desto*, quod nullum prorsus accentum recipere solet. Ac deinde in omnibus, quibus ob similitudinem vocis aliqua potest interesse ambiguitas, ut in his dictionibus, *ferita, gia*; quæ si notentur acuto, *ferità, già*; prima erit, *cicatrix* aut *lesio*: Secunda Imperfectum Poëticum verbi *gire*: Si autem adsit gravis, *ferità, già*; Latinorum nomen *feritas*, & Adverbium *jam*, significabunt.

Galli præter supradictos accentus tertium admittunt, qui ferè circumflexo Græcorum respondet; similique notatur caractere ^.

Gravis

Gravis scribitur super quasdam particulas; ut *çà, deçà; là, delà*; ut videlicet differant ab Articulis *la, dela. à*, quando est Præpositio, ut dignosci possit à tertia verbi auxiliaris, *Ila. Où*, Adverbium loci, ad differentiam Conjunctionis disjunctivæ *Ou*: & quædam aliæ.

Acutus locum habet in penultima Adverbiorum in *ément, commodément, séparément, aisément*: Nam si omitteretur accentus, sequeretur penultimam esse brevem, æquè ac in istis; *sainctement, facilement*. Item in penultima nominum fœmininorum in *ée*: *armée, espée*; ut sunt voces secundi generis Adjectivorum aut Participiorum in *é* etiam cum accentu, *aimé aimée, zélé zelée*. Et generatim apponitur omnibus, quæ in *é* mascul. desinunt; *curé, aisé, puisné, liberté, vérité*: Recentiorésque sæpissimè hunc substituunt accentum in locum / ante aliam consonam, v. g. *émouvoir, même*; quæ vetus & quidem vera orthographia dicit, *esmouvoir, mesme*.

Notatur etiam discriminis causâ, ut in Præpositione *Dés*, quæ Latinis sonat *Ab*, ut nimirum differat ab Articulo plurali *des*. In Articulo plurali dativi casus *és*, ut à secunda auxiliaris substantivi dignosci queat, *Je suis, Tu es*.

Tertius accentus penultimam Adverbiorum in *ument* notat, *ingénument, continument*. Et usus jam illi locum assignavit in ultima Participiorum in *eu*; quorum diphthongum recentiores reducere solent ad simplicem vocalem, cum simili accentu, *j'ay peu, j'ay pû, j'ay congneu, j'ay congnû*. Tandem differentię gratiâ scribi potest v. g. *Pâris*, nomen proprium viri, ad differentiam *Paris*, quæ est Civitas.

Hic addere possumus duplicem Gallorum notam, quas vocant Conjunctivam & Disjunctivam: Conjunctiva est lineola recta, quæ copulat duas voces in unam coeuntes,
tranche-

tranche-plume, passe-temps. Scribitur quoque ante Pronomen *Il* & *Elle*, quando nimirum verbum quod præcedit, finit à vocali, *a-il del' argent, l'aima-elle*; quo in casu magis mihi arridet lineola, quam interpositio *t*, *at' il del' argent, l'aima t' elle*; ut quidam volunt.

Disjunctivam nominant duo puncta, quæ tribus potissimum vocalibus superponi solent, nimirum *e, i, u*. Quando super *e* & *i* apponitur, signum est quod similis vocalis peculiarem constituit syllabam, *nuë*, nuda; *haïr*, odio prosequi. Posita verò super *u* indicat hujusmodi literam esse vocalem, & non consonam; *louër*, laudare; *jouïr*, frui: & graviter errant qui in posteriori vocali illa duo puncta notari volunt, *louër*, *jouïr*.

De vocibus truncatis, ubi de Apostropho.

Hispani Apostrophum non admittunt, neque ullam prorsus patiuntur Apocopen, præter in his paucis: Adjectivo *Bueno*, & numerali *Ciento*, Substantivo alicui antepositis, quorum primum finalem amittit vocalem *buen hombre, buen cavallo*; idque solum pro genere masculino numeri singularis; Alterum syllabam integram, *cien hombres, cien mugeres, cien ducados*.

Similem Apocopen recipit adjectivum *grande* ante substantivum inchoatum à consona, *gran tiempo, gran velliaco*. *Tanto, quanto*, etiam posteriori mutilantur syllabâ, quando præponuntur Adjectivo vel Adverbio, *tan bueno, tan grande, tan tarde, tan de mañana; quan mal parece essa color; quan bien lo haze v. m.* Et aliquando ante substantivum, ut in hoc exemplo, *tan puta vieja era tu madre como yo*: Sed integrè sunt proferenda ante Comparativa *mayor, menor, mas, menos; quanto mayor*

es la fortuna, tanto menos es segura.

Item possessivum fœmininum *vuestra*, in hac locutione, *vuesa merced* : Et secundæ plurales futuri subjunctivi, quæ sæpe amittunt penultimam *e*, *Amaredes amardès, uvieredes uvierdes, fueredes fuerdes.*

Galli quæ vocabula truncant id per Apostrophum præstare solent, ut sunt ferè omnia monosyllaba, *je, me, te, se, de, ne; j'avois, il m'adit, &c.* Possessiva generis fœminini, *ma, ta, sa*; ante hæc duo nomina, *amie, amour; m'amour, m'amie* : Particula conditionalis *sy*, sequente *il, ils; le, la*; & quando sunt Articuli, & quando Relativi; *L'homme, l'ame, del'ame; je l'aimeray, je l'ameneray.* Si tamen *le & la*, post Imperativum ponuntur, integrè scribenda sunt, *faictes le accommoder comme il faut*; nisi subsequatur una ex Relativis *y*, vel *en*; *faictes l'y entrer, je l'enferay repentir.* Si autem monosyllaba accentu notantur, tunc elisio non habet locum.

Item Pronomina, *chascque, quelque* patiuntur Apostrophum, *chascqu'homme, quelqu'un, quelqu'autre.* Præpositio *jusque*, ante Articulos & Adverbium locale *icy*; *jusqu'au point d'aujourd'hui, jusqu'à pasques, jusqu'à la saint Jean; jusqu'icy.* Sicut etiam *contre & entre*, quando nimirum cum verbis sunt composita *contr'eschanger, s'entr'ayder, s'entr'aimer, entr'ouvrir.*

Aliquando etiam Apostrophum admittunt Galli, quamvis præcedens dictio finiatur per consonam, & sequens etiam incipiat à consona, ut in illis exemplis, *bevez dict ell' ce reste; ell' ont vos noms sur le front; dieu te gard' mon amy; grand' feste; jete pri' respons moy; A'vous point ven ceste beaulté? sça'vous quand cesera, & similia quæ Poëtis magis conveniunt, quàm Oratoribus.*

Itali duplici modo sua vocabula truncare solent, vel sine Apostropho; vel cum Apostropho, quæ ad majorem faci-

Truncata Italorum sine Apostropho.

VOces quæ cum vocali recipiunt unam ex liquidis *l, n, r*, in terminatione, vocalem finalem amittunt, si dictio sequens incipiat à consona; *Qual passion potete stimar chesia di servir senza speranza d'ottener maj la desistata libertà?* Sed hæ sunt adhibendæ præcautiones.

1° Si vox quæ est truncanda sit nomen debet esse numeri singularis. 2° Si illud nomen sit fœminini generis non debet terminari in *a*. 3° Debet fieri in sequela commatis aut versûs, & non in fine. 4° Ut dictio sequens non incipiat ab *s* sequente aliâ consonâ. Postremò tandem ut ipsa liquida sit simplex, hoc est nullâ aliâ præcedente consonâ: Nam si ex his conditionibus aliqua desit, elisio non habet locum.

Verum ab ultima lege, quæ liquidæ simplicitatem expetit, excipiemus, primo Infinitivos in quibus duplicatur *r*, qui ultimam amittunt syllabam, *Tor via, condur l'essercito*; & ejusmodi Infinitivi quorum numerus valdè exiguus est, jam semel passi sunt rescisionem syllabæ; *ponere porre, condocere condurre, togliere torre, sciogliere scierre*. 2. Tertiam pluralem primi præsentis verborum monosyllaborum, quæ etiam aliquando ultimam amittunt syllabam, *Stan giocando, han fatto ogni diligenza per trovarlo*. 3. Adjectiva *bello, quello, bel fanciullo, quel cavallier cheviene*: quæ quidem in plurali similiter truncantur *belli, bei; quelli, quei*; & ad unicam reducuntur syllabam per Apostrophum *be', que'*. Quæ ratio etiam valet pro Pronomine *Egli*, de quo dicimus *ei, e'*: & aliquando solum *e* rescindimus, *guardate come gli è bellino*.

Hanc

Hanc ultimam Apocopen observant Poëtæ pro quibusdam nominibus, *v g. Capegli, capei, capè; Augelli, aupei, auge; lacciuoli, lacciuo; animali, animai, anima; cavalli, cavai, cava; cinghiali, cinghiai; raggi, rai; & quædam alia, quæ notavit Scipio Lentulus.*

Item Poëtæ solent elidere vocalem post *m*, à gran speranza huom misero non crede. Perche ad uno scoglio hanno rotta la nave.

Singularia, *Prode, Frate, Santo*, ante consonam ultimâ truncantur syllabâ, *pro della sua persona; Fra Giacomo; San Pietro*: cum Adjectivo, *grande*, pro utroque numero, *gran piacere, gran dolori.*

Possessivum *vostra*, ante Signoriâ ultimam amittit syllabam *vo Signoria*; id quod etiam fuit receptum à veteribus Gallis. ut in hoc versu Helinandi, Poëtæ antiquissimi, *Dame per Diex de vo fille me plain.* Demonstrativum, *Questa*, è contrâ primam syllabam amittit ante *notte, sera, mane, aut mattina; stanotte, stasera, stamattina.*

Possessiva, *mio, tuo, suo*, cum fœmininis aliquando primâ mutilantur vocali, *padremo, madrema, fratelto, signorso*; quibus sæpiùs utitur Petrus Aretinus: Sed tunc semper postponi debent nomini, & cum eo immediate jungi. Etiam apud Poëtâs ultimam amittunt per Apostrophum, *mi', tu', su'; & in plurali, vo', tuo', suo', pro vostri, tuoi, suoi*: quâ ratione etiam rescindunt ultimam vocalem personalis *io, j' dicea frà mio cor perche paventi?*

Etiam verba Apocopen patiuntur, in præsentî, ut *vo', voglio; so', sono; puo', puoi; suo', suoli; se', sei.* In Imperfectis, *haveva havea, diceva dicea, haverei, havrei, & harei.* In Futuro, *haverò, haurò, harò; tenerò, terrò; venirò, verrò.* In Aoristo *stetti, stei; stette, stè; feci, fei; fece, fè & feo, poet: furono, furo, amarono, amaro; dor-*

mirono, dormiro. In Participiis denique primæ conjugationis, cercato cerco, usato uso, destato desto, guastato guasto.

Nec non extenditur ad partes indeclinabiles, ut in Præpositione *verso, ver; inverso, inver: v'*, pro *ove, v' son le mie speranze; pria pro prima, & quædam alia.*

Truncata Italarum cum Apostropho.

OMnes particulae sequentes, *mi, ti, si, ci, vi, di, se,* Apostrophum patiuntur ante vocalem; quibus addere possumus *che*: sed rescindenda est aspiratio, si dictio sequens iterum ab aspiratione incipiat, *Di quei c' hanno per lei piagato il cuore.*

Præpositiones *per, con,* cum Adverbio negativo *non,* amittunt ultimam consonam ante *il,* vel *lo,* quæ ultimæ in simili casu etiam suâ mutilantur vocali, & in unam coeunt syllabam: *Come cascano le mandroline pel freddo; picciola è l'ape, e fa col picciol morso pur gravi e pur moleste le ferite: Nol potè mai conseguire.* Et aliquando supradictæ Præpositiones, sicut etiam, *ne,* Articuli masculini locum occupant, ante nomina pluralis numeri, quæ incipiunt à consona, *pe' piani, co' prencipi, co' signori, ne' paesi, ne' regni, & ejusdem generis alia.*

Præpositio, *in,* suam amittit vocalem post dictionem, quæ finit à vocali, *viver in altri e'n se stesso morire:* quâ ratione Poëtæ ut plurimum elidunt vocalem vocibus, quæ incipiunt ab *im,* aut *in,* *lo' mperadore gli' mperadori; ne di ciò gli' ncrebbe: E sol la' ngratitudin vostra è quella; questi ne' nsegna sol ne le sue scuole, fedeli inganni e lealt à perversa.* Verùm in oratione solutâ Apostrophus rotari debet in prima, *l' intelletto, l' ingratitudine, gl' inganni.*

Articuli

Articuli *lo*, & *la*, per Apostrophum vocalem amittunt ante vocalem; idque solum in singulari numero, non autem plurali, nisi post *gli*, sequatur nomen, quod iterum ab *i*, sit inchoatum, *gl' ingiusti*, *gl' imperadori*.

Etiam Apostrophus habet locum in Articulis obliquis *Dei*, *ai*, *dai*; *de'*, *a'*, *da'*; ad vitandum videlicet plurium vocalium ejusdem naturæ concursus, *de' padroni*, *a' Signori*, *da' Principi*.

Il, post vocalem similiter amittit vocalem, *Se' l' fugitivo mio quà giù si troua*; *Che di nostra natura' l' feò tiranno*: & in unam coalescit syllabam sine Apostropho cum particulis pronominalibus *me*, *te*, *se*, *ce*, *ve*, *ne*; hoc modo, *mel*, *tel*, *sel*, *cel*, *vel*, *nel*.

Adverbium *Meglio*, à Poëtis sæpius in unam reducitur syllabam per Apostrophum, *Ma' v'era che da voi fosse' l' difetto*. Et particula Relativa *ne*, ante consonam ab illis sæpe suâ mutilatur vocali, *Non già perche sen' corse il fiume di latte*.

Denique observandum Apostrophæ notationem, ut & aliorum accentuum, plurimum juvare ad distinguendas voces quæ alias essent pares, *me'*, *meglio*; & si omitteretur Apostrophus, esset particula Pronominalis *me*. *E' egli*, ad distinctionem Copulativæ *e*. & tertiæ personæ auxiliaris *è*, quæ gravi afficitur. *Ne'*, quæ vices gerit Articuli *nej*, ut dignoscatur à Disjunctiva, *nè*; *nec*, quæ gravem admittit, & Præpositione aut Relativa *ne*, quæ simpliciter scribitur: & sic de aliis quamplurimis idem judicium ferendum est.

Articulorum usus & differentia.

ANtequam Nomen, primam & quidem essentialem Orationis partem, explicandum aggrediamur, prius nobis declarandi sunt Articuli, seu signa; quibus natura nominum & genus solet dignosci. Sed quia solummodo duo recipiunt genera, *Galli*, *Itali*, & *Hispani*, masculinum scilicet & foemininum; Ita nec plures Articulorum species agnoscere volunt: *Hispani* tamen tertium admittunt, ut infra ostendemus. Omnium sequitur inflectio.

Gallici.		Italici.		Hispanici.			
M.	F	M	M	F	M	F	3. Art.
Le	La	Il.	Lo	La	El.	La	Lo
Du	Dela	Del.	Dello	Della	Del.	Dela	Delo
An	Ala	Al.	Allo	Alia	Al.	Ala	Alo.
		Dal.	Dallo	Dalla			
Les					Los	Las	
Des		ſ	Gli	Le	Delos	Delas	
Aux		Dei	Degli	Delle	Alos	Alas	
		Ai	Agli	Alle			
		Dai	Dagli	Dalle			

Hac in parte duabus aliis foecundior est *Italica*, eo quod habeat voces & signa peculiariora pro singulis obliquis; *Galli* verò & *Hispani* tres tantum recipiunt voces, Genitivum & Ablativum exprimere coacti uno eodemque signo: Sed *Galli* minus copiosi, utpote qui unico gaudent Articulo pro plurali utriusque generis. Et generaliter loquendo ditiores censeantur *Hispani*, quia nempe tertium Articulum habent, idque solum pro numero

mero singulari: Cui quidem Articulo neutrius qualita-
tem tribuere possumus, cum sit peculiare Adjectivis Sub-
stantivè & neutraliter sumptis, *Lo bueno, lo malo, lo me-
jor, lo mucho.*

Itali præterea pro primo genere duplicem recipiunt
Articulum, quorum tamen diversum est munus; Primus à
sinistro latere præponitur nominibus quæ incipiunt à
consona, *Il Rè, Il Signore, Il Principe*: Alter incipien-
tibus à vocali, vel *s*, sequente aliâ consonâ, *L' amore,
lo sdegno.* Cujus etiam usum Florentini Sanenses, & alii
Hætruriæ populi admittunt post Præpositionem *per*,
quamvis à consona nomen sequens incipiat, *per lo tempo,
per lo servizio*: Sed in simili casu Romani utroque utun-
tur indifferenter, & recentiores lubentius primum usur-
pant, ut *Gabrieli & Visdomini.*

Galli verò & *Hispani* pro his duobus nominum gene-
ribus unicum agnoscunt Articulum; quem quidem defe-
ctum suppleant, sed contrario modo: *Galli* pro masculi-
nis quæ incipiunt à vocali articulum fœmininum assu-
munt, *l'esprit, de l'esprit, a l'esprit; l'homme, de l'homme,
a l'homme*; modò tamen reticeatur aspiratio, quæ in ca-
pite vocis occurret: nam si aspiretur, primo utendum
erit Articulo, v. g. *Le haure, du haure, au haure.* *Hispa-
ni* è contrà pro fœmininis à vocali incipientibus Artic-
ulum masculinum usurpant, *el agua, el ama de casa*: Sed
hoc solum habet locum ante *a*, & non ante alias vocales,
quibus Articulus fœmininus præponi debet, *la embidia,
la yglesia, la honrra*; & tiam quando aspiratur *h* ante *a*,
la hambre.

Supradicti omnes Articuli à Grammaticis vocantur
maiores, seu *definiti*, eò quòd definiant & determinent
nomen, ejusque significationem certis quibusdam limiti-
bus circumscribant. Verùm inventæ sunt aliæ particulæ,

quas *Articulos minores*, seu *indefinitos* vocant, pro iis scilicet quibus prohibitus est *definitivorum* usus; aut quia sunt *Propria Virorum, Mulierum, Urbium, &c.* vel nomina communia indeterminatè sumpta, v. g. quando hac locutione utimur, *La maison du Roy, la casa del Rè, la casa del Rey*; aliquem particularem determinamus Regem, vel Angliæ, vel Hispaniæ, vel Daniæ, ad quem illam domum spectare demonstramus: sed quando dicimus *Alexandre est Roy, Alessandro è Rè, Alexandro es Rey*; innuimus Alexandrum esse Regem, sed indeterminatè & generaliter, & quantum *Regis* significatio potest extendi, non definiendo an Alexander sit Rex Macedoniæ, vel Indiæ, vel fabæ. Articuli minores ex sequentibus quinque dependent particulis.

Di De.

A A.

Da.

Quarum tres primæ, à sinistro scilicet latere, Italiciæ inserviunt linguæ; *Pietro, di Pietro, a Pietro*: Cæteræ Gallis & Hispanis sunt communes, sicut etiam conveniunt simul, quoad *definitum* singularem generis fœminini, de qua convenientia summiopere miror, & nescio quis bonus genius illos adducere potuit, ut hac in parte tam conformes essent.

Peculiare quædam de Articulis observationes.

Observabis Italos contra usum Gallorum & Hispanorum Articulum definitum sæpissime tribuere nominibus propriis Mulierum, ut optimè notârunt *Jacobus Pergamini*, & *Joannes Bembo*; similibusque locutionibus sæpius usi sunt *Boccatius & Aretinus, La Lisetta*,

la

la Isabella, la Antonia, la Nanna, l'uno della Maddalena, l'altro della Susanna, s'inamorarono. Hoc etiam observant Galli pro nominibus quarumdem Sanctarum, v.g. *la Magdelaine, la Veronique*: maximè ante familiarum agnomina, apud quos Articuli tum majores, tum minores, cognominibus sic præfixi, signum honoris sunt, & quasi Nobilitatis Eucomium, *Jacques du Perron, Alexandre de Nogaret, Louis de la Curée.*

2^o Hispani Dativ. pro Accus. frequenter usurpant, *Guarde Dios à v.m. mañana le tengo de embiar a mi criado*: eodem modo, quo Galli Genitivum pro Accus. solent admittere, *Donner des bourdes en payement*; maximè quando partem ex toto descerptam volunt exprimere, *Donnez moy du pain, versez moy de la biere, prestez moy de l'argent*: quâ in constructione sat benè conveniunt cum Italis, *Datemi del vino, &c.*

3^o Gallorum Genitivus tenet aliquando locum Nominativi, *je ne croy point que des corps si bien complexionnez, se puissent jamais mal porter*: nec non Dativi, præponendo scilicet Articulum Indefinitum, *Prenez vous garde a des enfans; j'ay afaire a du monde, qui me fait damner; c'est perdre le temps de parler a des sourds.* Hæc luculenter tractat Daniel Martinus, Anthonius Qudin in sua *Analogia Grammatices ad recens idioma*, & nuperrimè noster *Du Gres* in suo *Compendio*.

DE NOMINE.

Terminationes Nominum in communi.

OMnia *Italorum* nomina desinunt in unam ex quinque vocalibus; quarum tres solummodo hic sunt considerandæ, nimirum *a, e, o*: Nam quæ in *i*

aut *n* finiunt, sunt indeclinabilia, & nulla prorsus utrumque numerum recipere possunt, præter hæc pauca; *virtù*, *servitù*, *gioventù*, *grù*; Adjectivum *pari*, & Substantivum *di*, cum suis compositis, *Lunedì*, *Martedì*, *Mercorèdi*, *Giovedì*, *Venerdì*.

Ex tribus vocalibus, quibus Italica nomina terminare præcipuè incumbit; *O*, peculiaris est nominibus masculinis, qua in re cum Hispanis prorsus conveniunt; nec apud hos, nec apud illos ejus terminationis nomina sub genere fœminino reperiuntur, præter unum solum *La mano*, Italis & Hispanis commune; cui addunt Hispani, *La nao*, navis.

Quæ desinunt in *a*, fere omnia sub secundo continentur genere, *La chiesa*, *la strada*, *la tavola*; etiam apud Hispanos, *la casa*, *la yglesia*, *la mesa*.

Tertia verò quæ est *e* apud illos, & apud Gallos utrique inservit generi *Il padre*, *el padre*, *le pere*; *la madre*, *la madre*, *la mere*.

Verum *Italos* superant *Hispani* in terminatione nominum, nam præter vocales adhuc septem recipiunt consonas, *d*, *l*, *n*, *r*, *s*, *x*, *z*; ut sequentia *Merced*, *caracol*, *meson*, *muger*, *Dios*, *reloxx*, *juez*. Vocales, quibus utuntur, *a*, *e*, *o*, *y*; In *i*, neque in *u*, nulla reperitur præter *maravedi*, *espíritu*; & quædam propria, ut *Potosi*, *Corfu*, *Pern*, & similia.

Galli autem his & illis sunt superiores; præter enim septem consonas, quas *Hispani* recipiunt, cæteras omnes in terminatione nominum admittunt; nec non aspirationem, sed cum consona junctam, v. g. *Almanach*, *estomach*, *luth*; & pœne infinita quæ desinunt in *Diphthongos*, *Triphthongos* & *Quadriphthongos*, ut sunt, *May*, *feu*, *chou*, *foy*, *folie*, *sangsue*, *oiseau*, *pluye*, *playe*, *proye*, *joüe*, *Disu*, *voeu*, *queüe*, *lieüe*.

Quod

Quod verò ad vocales spectat sunt inferiores, nam à terminatione nominum *a* & *o*, prorsus excludunt, nisi in Pronominibus Possessivis, *ma*, *ta*, *sa*: & tertiam, quæ est *i*, ut plurimum rejiciunt; hæc siquidem vocalis propriè locum non habet in fine dictionis, sed ejus vices gerit *y*, *Amy*, *favory*, *Lundy*, *Mardy*.

Verùm sub *e* duo genera nominum comprehenduntur, Alia finiunt in *e* Fœmininum, *homme*, *femme*; alia in *e* Masculinum, hoc est, notatum accentu, *abbé*, *curé*, *honnesteté*, *auctorité*. Hæc postrema nomina Itali terminant in *à*, etiam cum accentu, ea nimirum, quæ veniunt à Latinis in *as*, generis Fœminini, ut suprà diximus, *Città*, *verità*, *autorità*: Hispani in *d*, *Ciudad*, *verdad*, *autoridad*.

Numeri Pluralis formatio.

A Ssignata Numeri Singularis terminatione, jam præscribam modum observandum in formatione Pluralis Numeri. Numerus Pluralis Italicorum definit semper in *i*, *Papa papi*, *diadema diademi*, *padre padri*, *madre madri*, *fratello fratelli*, *fuoco fuochi*, *luogo luoghi*, *savio savi*, *mano mani*: Præter Fœminina in *a*, quæ semper mutant *a* in *e*, *Camera camere*, *Sorella sorelle*: Et quædam Masculina in *o*, quæ ultra terminationem regularem, secundam admittunt in *a*, generis fœminini apud probatos Auctores alterâ ferè usitatiorē, *Legno i legni*, *le legna*; *dito*, *braccio*, *calcagno*, *osso*, *riso*, *membro*, *corno*, *ciglio*, *labbro*, *pugno*, &c. Hancque ultimam terminationem sequuntur hæc quatuor, *mille*, *migliaio*, *centinaio*, *paio*, quæ in plurali faciunt *mila*, *migliaia*, &c.

Quæ

Quæ notantur accentu gravi, nihil mutant, *Rè, piè, merce, città, libertà, virtù, &c.* quibus addere possumus *effigie, superficie, specie, & numerale cento.*

Hispani unicam recipiunt terminationem in Plurali, nimirum *s*, *hombre hombres, hijo hijos*: quæ verò finiunt per consonam aut vocalem *y*, cum *s* jungunt *e*, ut fiat *es*, quam addunt numero Singulari, *verdad verdades, muger mugeres, ley leyes*. Mutant tamen *x* finale in *g*, *reloxe relojes*, ut à principio notavimus.

Galli tribus modis secundum numerum finire solent, in *x, s, & z*. Unde sequitur esse indeclinabilia, quæ unam ex istis tribus consonis in terminatione Singulari recipiunt, *Palais, filz, amoureux*.

Postrema consona peculiaris est nominibus, quorum Singularis in *é* masc. definit, *le curé, les curez; la verité, les veritez*.

X pro desinentibus in Dipthongos *au, eu, ou*; *Oisean oiseaux, lieu lieux, clou cloux*: & nominibus in *al*, aut *ail* cum Dipthongo, quæ terminationem singularium ut plurimum mutant in *aux*, *cheval chevaux, travail travaux*.

Reliqua singulari addunt *s* Hispanicorum more, primi generis, *ville villes, escu escus, Duc Ducs, Marchand Marchands, main mains, Chevalier Chevaliers*: eâ solâ conditione, quòd mutes *y* finale in *i*, *amy amis, Roy Rois*, ratione superius allatâ. Et aliquando etiam finalem reji-ciunt consonam, *tout tous*, maximè quando alia præcedit consona, *Paillard paillars, parent parens*: id quod scriptorū arbitrio relinquendum censeo.

Terminationes

*Terminationes Adjectivorum, aliorumque nominum,
qua de utroque genere possunt efferri.*

I*Tali duo tantum Adjectivorum genera norunt: alia duplicem terminationem habent, nimirum o pro Genere, M. & a pro Fœm. bello bella, leggiadro leggiadra; quæ species Adjectivorum cum Hispanis illis communis est, hermoso hermosa, lindo linda: alia pro utroque genere unicam solum agnoscunt scilicet e, cortese, amorevole. Hocque ultimum Adjectivorum genus Galli & Hispani etiam usurpant, agreable, agradable; humble, humilde.*

Sed hinc notandum apud Gallos quædam ejus generis Adjectiva reperiri, quorum Fœm. addit Mas. syllabam se, yvrongne yvrongnesse, borgne borgnesse: quâ regulâ etiam dicimus, abbé abbessse, Prince Princessse, Comte Comtesse, diable diablesse, hôte hostesse, Dieu Deesse, Duc Duchesse, larron larronnesse, pecheur pecheresse. Quædam similiter in eau desinentia terminationem Mascul. mutant in elle, beau belle, nouveau nouvelle, puceau pucelle, bourreau bourrelle, maquereau maquerelle, & similia.

Gallorum tandem alia sunt Adjectiva, quæ binas recipiunt terminationes; sique primo Adjectivo addas e, (quod vocant Fœmin.) secundum tibi aderit, zélé zelée, bossu bossue, amy amie, vray vraye, blond blonde, léger legere, courtois courtoise, & sic de cæteris: quorum plurima duplicant consonam ad conservandum priorem sonum, qui aliàs esset nimis remissus, bel belle, cruel cruelle, vieil vieille, pareil pareille, bon bonne, poltron poltronne, net nette, gros grosse, gras grasse.

Hæc prior generalis regula etiam valet pro Substantivis, quæ de utroque genere possunt efferri, marchand marchande, bastard bastarde, Louis Louïse, Denis Danise, Marquis

Marquis Marquise, *chien chienne*, *chat chate*, *estranger estrangere*: maximè pro desinentibus in *er*, aut *ier*, *artem* vel officium aliquod designantibus, *boulangier boulanger*, *berger bergere*, *boucher bouchere*, *cordonnier cordonniere*, *patissier patissiere*. Hæc ultima apud *Hispanos* ut plurimum terminantur in *ero*, *çapatero*, *panadero*, *carnicero*, *tauernero*, *aguadero*: Apud *Italos* verò finire solent in *aio*, *Calzolaio*, *fornaio*, *beccaio*, *peccoraio*. Item pro finientibus in *ant* & *ent*, tam Adjectivis quam Substantivis, *Amant amante*, *sçavant sçavante*, *parent parente*, *insolent insolente*: & nationalibus quibuscunque, *Savoyard Savoyarde*, *Alemand Alemande*, *Espagnol Espagnole*, *Romain Romaine*, *Italien Italienne*, *Gascon Gasconne*; ut sunt omnia quæ finiunt in *ois*, *François Francoise*, *Anglois*, *Escoffois*, *Irlandois*, *Danois*, *Suedois*, *Polonois*.

Sed hæc sunt admittendæ præcautiones. 1^o Desinentibus in *c*, mutabis *c* in *q*, cum vocali sibi affini, & sine qua non potest proferri, *Public Publique*, *Grec Greque*, *Turc Turque*: vel saltem aspirationem interpones, ut in his tribus, *sec seche*, *blanc blanche*, *franc franche*.

2^o Quæ finiunt in *f* præcedente, Diphthongo ponunt *u*; *neufneufue*, *veufvenfue*, *naïse naïsue*, *juif juifsue*: Si autem vocalis sit simplex *f* in *u* simpliciter mutant, *Oisif oisive*, *maladif maladine*.

3^o Mutabis *x* masculinorum in *s*, *joyeux joyeuse*, *faux fausse*, *esponx esponse*, *jalous jalouse*: quibus addere possumus Substantiva in *eur*, *menteur menteuse*, *flateur flateuse*, *joûeur joûeuse*, *afronleur afronteuse*. Sed pleraque hujus terminationis nomina, maximè quæ apud *Latinos* desinunt in *x*. Ablat, Latinum retinent pro Fœminino, *Empereur Imperatrice*, *opérateur opératrice*, *fanteur fantrice*. Idemque pro similibus observant *Itali*, ut in
supra-

supradictis, & generatim in omnibus, quæ à Latinis terminantur in *x*. Vox *voce*, nux *noce*, crux *croce*, nox *notte*, iudex *giudice*, radix *radice*, Aurifex *Orefice*, capax *capace*: quæ quidem ab Hispanis ut plurimum terminantur in *z*: *voz*, *nuz*, *cruz*, &c. ut superius ostendimus.

Hanc ultimam terminationem Gallicorum Adjectivorum etiam admittunt Hispani, sed ejusmodi nominum imperium apud illos angustis valde limitibus circumscribitur: Nam præter ea quæ finiunt in *l, s, z*. *Leal*, *cruel*, *cortes*, *capaz*, *rapaz*; & quædam Comparativa in *r*, à Latinis desumpta, ut *Peor*, *mejor*, *mayor*, *menor*, nulla prorsus reperiuntur. Similia Adjectiva apud Italos desinunt in *e*, *leale*, *cortese*, *capace*: sicut etiam apud Gallos, maximè ea, quæ veniunt à Latinis in *ilis* penultimâ brevi, *facile*, *difficile*, *utile*, *inutile*, *debile*, *fragile*: nam si penultima sit longa, solum fœmininum habebit *e*, masculinum cum Hispanis conveniet, *v. g.* *crudelis*, *cruel* *cruello*; *civilis*, *civil* *civile*; *subtilis*, *subtil* *subtile*.

Terminationes Diminutivorum eorumque natura.

Gallorum Diminutiva in unam ex his quinque terminationibus potissimum finiunt, in, *Bonc* *Bouquin*, *Diab* *Diablotin*: *eau*, *pigeon* *pigeonnan*, *avocat* *advocaceau*: et, *Roy* *Roitelet*, *homme* *hommelet*, *femme* *femmelette*, *maison* *maisonnette*: et, *Charles* *Charlot*, *Pierre* *Pierrot*, *Jean* *Janot*, *Marie* *Marote*, *Berger* *Bergerot*, *Petit* *Petiot*, *Beau* *Bellot*: on, *Louis* *Louison*, *Magdelaine* *Magdelon*, *chat* *chaton*, *chambriere* *chambrellon*, *sale* *salisson*.

Prima duo genera Primitivi significationem simpliciter

ter remittunt. Quæ sub tertio continentur, dicuntur per despectum Subjecti, cui attribuuntur. Postrema verò amoris, familiaritatis & blanditiæ sunt signa. Alia *Diminutiva* exprimi solent per Adjectivum *petit*, *chien*, *petit chien*; *Teton*, *petit Teton*: sicut utuntur illius correlativo *Grand*, quando scilicet Primitivum volunt intendere, *Maison*, *grande Maison*; *Diable*, *grand Diable*, *un grand Diable d'homme*.

Hispani pro similibus quatuor solùm terminationes recipiunt, *uelo*, *cuerpo cuerpezuelo*, *moça muçuela*: *ito*, *loco loquito*, *chico chiquito*: *ico*, *Juan Juanico*, *Monte Montezico*: *illo*, *hombre hombrezillo*, *muger mugercilla*, *puta putilla*: quorum tria prima blanditiæ & amoris causâ solent proferri; postremum verò semper indicat contemptum.

Itali verùm *Gallos* & *Hispanos* hac in parte longè superant; iisque adeò frequens est hujusmodi nominum usus, ut vix ullum reperiatur Primitivum, cujuscunque naturæ sit, à quo quatuor, quinque, sex vel septem hauriri non possint. Hæc nomina apud illos pro terminatione novem sequentes recipere queunt. *accio*, *one*, *otto*, *etto*, *ino*, *uzzo*, *uccio*, *uolo*, *ello*. v. g. ex his tribus Primitivis *vecchio*, *pouero*, *casa*, sequentia Derivativa facillimè possunt efformari, *vecchiaccio*, *vecchione*, *vecchiatto*, *vecchi-etto*; *vecchino*, *veccinuzzo*, *vecchierello*; *poueraccio*, *pouetto*, *pouerino*, *pouernuzzo*, *pouerello*; *casaccia*, *casone*, *casotto*, *casetta*, *casina*, *casellina*, *casuccia*; & sic de aliis.

Harum autem novem Terminationum, tres primæ significationem Primitivorum intendunt, & ideo vocantur *Augmentativa*: Reliquæ semper remittunt, *Diminutivorumque* nomen propriè retinent. *Augmentativa* in *accio* per contemptum dici solent: qua ratione mihi persuadeo nostrates à nomine *peuple* desumpsisse Derivativum

vativum *populace*, hoc est, *infima plebs*. Ex *Diminutivis* verò, quæ desinunt in *etto*, *ino*, *uccio*, *ello*, amoris. familiaritatis, blanditiæ & pietatis sunt signa : Quæ verò in *uolo*, & *uzzo* desinunt, ut plurimum exprimunt contemptum.

Adjectivorum intensio seu remissio per gradus Comparationis.

Quod spectat ad gradus Comparationis, (quos Grammatici *Comparativum* & *Superlativum* vocant) Galli, Itali, & Hispani pro primo, videlicet *Comparativo*, unum prorsus observant modum. Quando *Positivi* significatio est intendenda, illi præponunt Galli Adverbium *plus*, *blanc*, *plus blanc* : Itali *più* ; *bianco*, *più bianco* : Hispani *mas* ; *blanco*, *mas blanco*. Si autem remittenda sit, sequentibus utuntur Adverbiis, *moins*, *meno*, *menos*. Hinc excipienda sunt quædam à *Latinis* desumpta, v. g. *melior*, *peior*, *superior*, *inferior* ; à quibus dicunt *meilleur*, *megliore*, *mejor* ; *pire*, *peggiore*, *peor*, &c. Itali etiam dicunt à *major* *maggiore*, & Hispani *mayor* : Galli verò illud exprimunt regulariter *grand*, *plus grand* : sed benè dicunt à *minor*, *moindre* ; ut Itali & Hispani *minore*, *menor*.

Cum autem *Superlativum* producere volunt Itali addunt Positivo *issimo*, *issima*, more *Latinorum*, *ricco* *ricchissimo*, *ricca* *ricchissima* ; *piacevole*, *piacevolissimo*, *piacevolissima*. Hac terminatione utuntur sæpius Hispani, maximè pro adjectivis desinentibus in vocali, *Verdadero* *verdaderissimo*, *verdadera* *verdaderissima* : & etiam nostrates in titulis Regum, Principum, Prælatorum, *Serenissime*, *Eminentissime*, *Illustrissime*, *Reverendissime* ; quibus

bus addere possumus *Grandissime*, & alia quamplurima, quæ jam apud Aulicos sunt in usu, *Ingratissime*, *Poltronissime*, *Excellentissime*, *Galantissime*, prout passio & affectus illos movere potest. Sed propriè loquendo intensivis quibusdam utimur particulis, v. g. *tres*, *fort*, *extremement*, *infiniment*, *ravissamment*, & aliis ejusdem generis; *Sçavent*, *tres sçavent*, *fort sçavent*, *extremement sçavent*: quem usum Hispani ut plurimum sequuntur, præponendo nimirum *Positivo* particulam *muy*, *muy hermoso*, *muy lindo*, *muy discreto*; maximè pro Adjectivis secundi & tertii generis, *muy humilde*, *muy leal*, *muy civil*.

Numerantium usus.

Numeri aut sunt *Cardinales* aut *Ordinales*. De Cardinalibus nihil peculiare notandum, nisi quod Hispani interponunt Copulativam *y*, in Numeris Compositis, *diez y siete*, *diez y ocho*, &c.

Galli verò & Itali immediatè illos jungunt, *dixset*, *dixhuit*, &c. *dicisette*, *diciotto*, &c.

Ordinales apud Gallos fiunt à *Cardinalibus*, addendo *jesme*, & rescindendo finalem, quando nimirum *Cardinalis* desinit in *e*; *Deuxiesme*, *troisiesme*, *quatriesme*, *douziemesme*, *trientiesme*, &c. Sed non dicunt *uniesme*, nisi in numero composito, *vingtuniesme*, *trent'uniesme*, &c. In Simplici verò dicunt *Premier*, & etiam *Second*, *La premiere sepmaine*, *le second jour*.

Itali numeros *Ordinales* formant more Adjectivorum primi generis, *primo*, *secondo*, *terzo*, *quarto*, *quinto*, &c. Sicut etiam Hispani, *primero* & *primosegundo*, *tercero* & *tercio*, *quarto*, *quinto*, *sexto*, &c. Et differentia, quam pro
premier

premier & uniesme Gallorum assignavimus, nobis est adhibenda pro *primero primo, tercero tercio* Hispanorum; nimirum quod *primero & tercero* sint Ordinales simplices; *primo & tercio* cum Numero Composito coalescant, *vigesimo vel veyntesimo primo, trigesimo vel treyntesimo tercio*.

Sæpe apud illos Numeri *Cardinales* Latinorum *Ordinalium* occupant locum, ut quando *Hispani* dicunt, *Capitulo vnze*; Galli, *En saint Mathieu chapitre vingt-deux*: maximè pro annis Nativitatis Christi, *L'an mil six cens trente sept*; *El año mil seycientos treynta y siete*: Nec non pro horis diei, *a douze heures*; *a dodici bore*; *a las doze*, horâ duodecimâ.

Item *Itali & Hispani* in Datis Epistolarum utuntur numero Cardinali, *Roma cinque Marzo*, *En Madrid a cinco de Noviembre*: Sed *Itali* ut plurimum numero præponunt *adi*, *Venetia adi quattro di Gennaio*; qua etiam locutione utuntur *Germani & Belge*, v. g. quando dicunt in suis Relationibus *adi detto*, eadem die: Galli verò Numerum *Ordinalem* usurpant, *De Paris le dixiesme Decembre*. In Literis Regiis, seu Patentibus à Magistratu concessis Galli dicunt *Faict*, aut *Donné a Saint Germain en Laye*: Hispani, *fecha*, *fecha en Valladolid*: Itali denique Latinorum *Datum* usurpant, maximè in Curia Romana, ubi omnia Latino idiomate solent expediri; *Datum Roma apud S. Petrum sub annulo piscatoris*.

De verbis in genere.

Verba generatim à Grammaticis dividuntur in *Personalia & Impersonalia*.

Impersonalium existentia à tertia Activorum dependet;

det, cum quadam particulâ ut plurimum juncta, sed diverso modo: Nam illa verba, quæ puro *Impersonalium* gaudent nomine, ut sunt Latina, *Oportet, pluit, & similia* apud Gallos expletivam *Il* assumunt, *Il fault, Il pleut*: Apud Italos verò & Hispanos more Latinorum sine particula solent exprimi, *Bisogna, es menester; piove, lloue*: Sæpe tamen usum Gallorum retinent Itali, & similibus Verbis possunt præponere Expletivam *Egli, vel ei, aut E* per syncopen.

Impersonalibus autem, quæ Latinorum Passivorum tertiâ personâ solent exprimi, Galli præponunt particulam *on*, dicitur *on dict*: Hispani *se, se dice, se suena*: Itali *Si*; quam ad libitum post & ante Verbum collocare queunt, *Si dice, dice si*: cujus particula consona duplicari debet, si postponatur Verbo accentu gravi notato, *si fa, fassi; si è detto, essi detto*.

Verborum *Personalium* quinque genera possunt observari, *Activa, Passiva, Neutra, Reflexiva, & Auxiliaria*.

Passivorum usus ab integra Substantivi Auxiliaris inflexione dependet, junctâ nimirum cum Participio Activi, numero & genere convenientibus personæ aut rei, ad quam refertur passio.

Neutra, quatenus sunt Neutra, ab Activis differunt in eo, quòd in temporibus Compositis Auxiliari Passivorum utantur.

Reflexiva Neutorum conjugationem sequuntur additis solummodo particulis reciprocis, *me, te, se, nous, vous*, pro Gallis; quibus Itali respondent cum *mi, ti, si, ci, vi*: Hispani tres primas cum Gallis communes habent; duabus aliis, videlicet *nous, vous, & v* consonam & *u* vocalem rescindunt; dicuntque *nos, os*.

Ultimi tandem generis Verborum, scilicet *Auxiliarium*,

um, duo tantum agnoscunt Galli & Itali: *Avoir, Haverere; Estre, Effere*: quibus respondent *Hispani* cum suis Auxiliaribus *Auer & Ser*; sed alia duo solent addere, *Tener & Estar*; quorum tamen usus valde angustis limitibus circumscribitur. Nam primum *Tener* locum non habet in Verborum conjugationibus, nisi in Futuro Indicativi, & aliquando in Perfecto ejusdem modi, ut in hac Phrasi, *como yo tengo dicho arriba*, pro *yo he dicho*. Alterum paulo latius extenditur, & de eo potest esse major difficultas, quandoquidem ferè eandem cum Auxiliaribus *Ser* significationem habeat: Eorum verum discrimen in hoc positum est, quod *Ser* rei essentiam denotet vel in qualitate, vel in quantitate, *Ser hombre de bien, ruyn, vellaco, grande, pequeño*. *Estar* autem existerè in aliquo loco significat, *Yo he estado en Paris*; & ut plurimum locum obtinet in omnibus, quæ animi affectionem aut passionem possunt denotare, *Estoy enojado, ayrado estana*: unde simile verbum solent usurpare, quando de alicujus valetudine quærendum sit, *Como esta v. m? Bueno estoy*, vel subaudiendo verbum, *Bueno para servir à v. m*: quem salutandi modum ut & alia quamplurima ab illis mutuati sunt Itali, *Come stà vo Signoria*.

Relictis autem his duobus postremis *Hispanorum* Auxiliaribus, utpote quæ nullam in verborum conjugationibus partem sibi vendicari possunt; præter eam jam illis assignatam, aliorum naturam & proprietates explicare operæ prærium est: Primum ergo sibi ipsi & Activis inseruit: alterum Passivis, Neutris, & Reflexivis peculiare est: nec non apud Italos sibi auxiliatur: Galli verò & *Hispani* simplicia primi Auxiliaris assumunt tempora.

*De Verbis in Specie, & eorum varia
assignantur differentia.*

I*Tali & Hispani*, si solius infiniti habeatur ratio, ut à Grammaticis semper fuit observatum, quoad numerum & terminationes Conjugationum optimè conveniunt. *Itali* tres solummodo recipere solent, & si à multis constituentur quatuor, ut apud Latinos, nimirum *are, ere, & ire; Caminare, tenere, correre, venire*: quibus si finalem vocalem rescindas, tres Hispanorum Conjugationes aderunt, videlicet *ar, er, ir; Caminar, correr, venir*.

Galli, quamvis diversas pro Infinitivis agnoscant terminationes, sub tribus tamen etiam facillimè possunt reduci: prima erit *er*, omnium amplissima, quæ nimirum sub sua jurisdictione comprehendit ferè omnia verba primi ordinis Italarum & Hispanorum, *cheminer, souper, chercher, trouver*. Secundæ duplicem terminationem assignare possumus, nimirum *Oir, voir, sçavoir, vouloir, pouvoir*; & *Re*, quæ præcedatur vel à vocali simplici, ut sunt verba in *ire, Lire, écrire*: vel à diphthongo, scilicet *ai*, aut *oi*, *faire, croire*: vel denique à consona, *naître, craindre, peindre, prendre. suivre, congnoître*; quæ omnia ad secundam Italarum & Hispanorum referri queunt. Tertia tandem erit *ir*, ad normam Hispanorum; quæ similiter Italarum tertiæ respondebit, *Ouvrir, courir, dormir, venir*: & generatim de omnibus erit affirmandum, primam & tertiam primæ & quartæ Latinorum conjugationibus respondere: secundam vero sub secunda & tertiâ contineri.

De Temporibus in genere.

Novem tantum simplicia agnoscunt tempora *Itali* & *Galli*, nimirum quatuor *presentia*, Indicativi scilicet, Imperativi, Subjunctivi & Infinitivi. Tria *Imperfecta*, quorum primum Indicativo inseruit; alia duo Operativo & Subjunctivo: *Præteritum definitum* seu *simplex*, quod ab aliis vocatur *Aoristus*; & *Futurum* Indicativi; quibus jungere possumus *Gerundium* & *Participia*. Reliqua Tempora sunt Composita, nimirum ex Participio Verbi, & simplicibus Auxiliaris Temporibus, quæ numero tot sunt, quot simplicia; præter unum *Præsens*, scilicet Imperativi, quia ejusmodi compositionem nequit admittere.

Dixi suprà *Galli* & *Itali*, nam *Hispani* hac in parte superant illos, & præter jam enumerata Tempora, quæ cum his & illis communia tenent, duobus adhuc utuntur simplicibus; uno namque *Imperfecto* aut *Plusquamperfecto* pro Modo Potentiali & Subjunctivo, quod semper definit in *ra*, *amara*, *uviera*, *dixera*, *fuera*; cujus naturam hoc exemplum manifestabit, *Si yo tuviera dineros, andarian mejor mis negocios*; *Si haberem pecuniam, melius irent mea negotia*; *Si yo tuviera muchos dineros, avria comprado muchos libros*; *Si habuisssem multum pecunia, multos empissem libros*: quâ in ultima Phrasi *Galli* & *Itali* compositione uti coguntur, *Si j' eusse eu beaucoup d'argent, S' io havesse haunto molti danari*.

Alterum est *Futurum* Subjunctivi, quod planè respondet Futuro Latinorum in *ro*, & eandem cum illo terminationem servat, mutando solum *o* Latinorum in *e*, *Dixero dixere*, *fuero fuere*, *amavero amare*.

Quando v.m. quisierit, quando tibi placuerit; Galli &

Itali illud exprimunt per Futurum Indicativi, *quand vous voudrez Monsieur, quando v. s. vorrà*: aut per Præsens ejusdem modi, si videlicet præponatur particula conditionalis, *Si, Si v. m. fuere servido, S' il vous plaiſt Monsieur.*

Tria item addunt composita; hæc duo supradicta Auxiliarium, scilicet cum Participio verbi, *uviera & uviera amado, leydo, fido*: & secundum Futurum Indicativi, constans ex prima voce Infinitivi, & Præsenti Auxiliarium, *he vel tengo, yo he de auer, vel yo tengo de auer*; sed ultimum cum *tengo* usitatus est. Ejusmodi tempus à Gothis originem habet, ut optimè observavit *Thomas Tamayo de Vargas, in suis Antiquitatibus Hispania*; & optimè convenit cum Futuro Germanorum, *Ich soll, Ich will haben*; quod etiam Anglis sonat, *I will, I shall have.*

*De Temporibus in Specie, & singulorum
dantur Terminationes.*

EX novem Temporibus, quibus simul utuntur *Galli, Itali, & Hispani*, quatuor comperio, quæ nullam ferè recipiunt anomalitatem, saltem quoad inflexionem, tria videlicet *Imperfecta & Futurum.*

Primum Imperfectum Galli desinunt semper in *ois*, *j'avois, je disois*. Itali in *ua, haueua, diceua*; neque mihi placet *Florentinorum* Dialectus, qui primam hujus temporis personam desinunt in *o, haveuo, diceuo*. Terminationem *Italorum* retinent *Hispani* pro prima Conjugatione, *buscar buscaua, hallar hallaua*: sed pro secunda & tertia recipiunt *ia, querer quera, morir moria*: aut *ya*, quando nimirum duplicatur vocalis ante consonam finalem Infinitivi, *Creer creya, leer leya, Reyr Reya, oyr oya.*

Pro

Pro secundo Imperfecto communem terminationem habent, videlicet geminam *ss*, cui Galli & Hispani addunt *e*. *J'eusse uviessse, fusse fuesse, fisse hiziessse, aimasse amasse.* Itali addunt *i*, *haneffi, fossi, amassi, faceffi.*

Tertium finitur à Gallis in *rois*, *J'aurois, je ferois, j'aimerois, je serois* : ab Italiis in *rei*, *Hanerei, farei, amerei, sarei* : ab Hispanis in *ria*, *Auria, seria, amaria* : quæ terminatio quamplurimis Italiæ populis usitata est, maxime Florentinis, ut notavit Bembus in suis Prosis; pro prima nimirum & tertiâ singulari, nec non tertiâ plurali, *haveria, haveriano; saria, sariano* : & hanc ultimam Itolorum personam etiam Poëtæ desinunt in *eno*, *haurieno, sariano.*

Futurum in vocalem simplicem desinunt Itali & Hispani cum accentu in ultima; Itali videlicet in *ò*, *haverò, sarò, amerò* : Hispani in *e*, *Auré, seré, amaré* : Galli verò in diphthongum *ay*, *J'auray, je seray, j'aimeray.*

Aoristus similiter nullam aut parvam admittit irregularitatem, nisi in prima persona, cujus terminatio prorsus eadem est apud Gallos & Italos, pro prima Conjugatione, *J'aimai, jo amai; je chantai, jo cantai* : sed Hispani diphthongum in simplicem *e* reducunt, *yo ame, yo cante.*

Quod ad tertiam Conjugationem spectat, parum aut nihil discrepant : Nam Itali hoc tempus desinunt in *i*, vel duplex, ut *Sentire sentì, partire partì*, vel simplex cum accentu, *sentì, partì, morì*. Galli in *i* aut *y*, sed proprius in ultimum, quandoquidem *i* vix locum habeat in fine dictionis, ut à principio insinuavimus, *je dormy, je party*. Hispani hos & illos sequuntur, rejiciuntque finalem liquidam Infinitivi, *dormir dormi, morir mori, reyr rey, oyr oy* : & hanc postremam terminationem etiam tribuunt Verbis tertiæ Conjugationis, quæ duplicant vocalem in Infinitivo, *Leer ley, caer cay, creer crey* : alias si vocalis

vocalis sit simplex, tertiæ Inflexionis *Aoristus* definit aut in *e*, *querer quise*, *hazer hize*; aut in *i*, *boluer bolui*, *entender entendi*, *nacer naci*.

Italorum *Aoristus* secundæ Conjugationis definit quoque in *i*, sed diverso modo: Nam illud *i*, aut præceditur ab *e*, cum qua coalescit in diphtongum, *batere batei*, *temere temei*: aut ab *s*, *chiudere chinsi*, *chiedere chiesi*, *perdere persi*, *mordere morfi*, *prendere presi*, *rispondere rispofi*; ut sunt omnia Præterita Latinorum, quæ terminant in *xi*, junxi *giunsi*, planxi *pianfi*; duplicando *ss*, quando videlicet Latinorum *x*, etiam à vocali præceditur, dixi *dissi*, afflixi *affliissi*, conduxì *condussi*. Aut denique duplicatur consona, *volere volli*, *tenere tenni*; etiam quæ non erat in Infinitivo, *habere hebbi*, *crescere crebbi*, *conoscere conobbi*, *sedere sedetti*, *credere credetti*, *tacere tacqui*, *piacere piacqui*, *nascere nacqui*: Et quamplurima reperiuntur quæ puram Latinorum vocem retinent, *Concedere concessi*, *ridere risi*, *videre vidi*, *persuadere persuasi*, *promittere promisi*, *ardere arsi*.

Verùm Galli pro hujusce Inflectionis *Aoristo* varias recipiunt terminationes. Quædam finiunt in *is*, *faire*, *je fis*; *dire*, *je dis*: quædam in *y*, *vendre*, *je rendy*; *peindre*, *peingny*; quam terminationem inepti populares etiam extendere solent ad primam Conjugationem, v.g. quando dicunt, *j'ally*, *j'aimy*, *je disny*, pro *j'allay*, *j'aimay*, *je disnay*: Quædam in *u*, *vouloir*, *je voulu*; *resoudre*, *je resolu*; *connoistre*, *je congnu*. Alia tandem desinunt in *eu*, quæ quidem terminatio communis est ferè omnibus verbis, quorum Infinitivus definit in *oir*, vel *oire* aut *aire*, *Avoir j'eu*; *pouvoir*, *je peu*; *sçavoir*, *je scen*; *croire*, *je creu*; *boire*, *je ben*; *plaire*, *je pleu*; *taire*, *je teu*: quibus recentiores jam volunt rescindere primam vocalem dipthongi æquè benè ac in Participiis, *je bû*, *je crû*, *je pû*:

Sed

Sed similis contractio mihi videtur valdè repugnans nostræ Gallicæ Dialecti naturæ, quæ supra modum diphtongorum affectat usum.

Primum Prasens, scilicet Indicativi, apud *Italos* desinit semper in *o*, *habere io hò*; *essere sono*, *amare amo*, *leggere leggo*, *dormire dormo*: & etiam apud *Hispanos*, *amare amo*, *leer leyo*, *dormir duermo*: Præter anomala quædam, quorum alia mutant *o* in *e*, *Auer, yo he*; *Saber, yo se*; alia assumunt *y*, *estar estoy*, *ser soy*, *andar aut yr, voy*.

Galli verò triplici modo hoc tempus finire solent, vel in vocalem simplicem, scilicet *e* tæminum, ut sunt omnia Verba primi ordinis, rescindendo *r* finale Infinitivi, *aimer j'aime*, *chanter je chante*, *cheminer je chemine*: vel in diphtongum, *Avoir j'ay*, *savoir je scay*, *aller je vay*, *voir je voy*, *boire je boy*, *croire je croy*: vel denique in consonam *s*, sub qua triplex adhuc continetur terminatio; aut enim *s* præceditur à vocali, ut sunt Verba in *ire*, *dire je dis*, *escrire j'ecris*; vel à diphtongo, *faire je fais*, *plaire je plais*, *devoir je dois*, *concevoir je conçois*: vel à consona, ut sunt Verba, quorum terminatio Infinitivi *Re*, præceditur à consona, *prendre, je prens*; *craindre, je crains*; *respondre, je respons*: quibus jungemus quamplurima tertii ordinis Verba, *dormir, je dors*; *repentir je me repens*; *mentir, je mens*; *venir, je viens*; *tenir, je tiens*; & similia. Si verò illud *Re*, præceditur à consona duplici *st*, tunc *t* rejiciunt, cum ipsa Infinitivi terminatione, *repaisstre, je repais*; *congnoistre, je congnois*; *paroistre je parois*.

Prasens Imperativi, & *Prasens Subjunctivi* ab isto primo *Præsenti* prorsus dependent, de quibus, sicut de aliis temporibus, Grammaticæ sunt vobis consulendæ; id fideliter præstabit *Anthonijs Faber* in sua Grammaticâ tri-linguâ, Gallicâ, Italicâ, & Hispanicâ. Nam hoc

in tractatu ejus generis opus instituire non decrevimus; sed præcipuas duntaxat harum trium Dialectorum differentias ab oculis ponere, ut à limine operis sumus professi.

Gerundia apud *Italos* & *Hispanos* unâ eâdemque terminatione gaudent, nimirum *Do*; formantur ab Infinito mutando *Re*. *Italorum* & *R* finale *Hispanorum* in *ndo*: eâ tamen conditione, ut mutes *i* formale *Italorum* in *e*, *seguire seguyendo*, *morire morendo*: & interponas *i* pro secundo, & *e* pro tertio *Hispanorum* ordine, *hazer haziendo*, *aver aviendo*, *dormir dormiendo*, *dezir deziendo*. Hæc *Gerundia* optimè respondent *Latinorum Gerundiis* in *Do*, & à *Gallis* exprimi solent per Participium in *ant*, præfixâ præpositione *En*, *en faisant*, *en disant*, *en mourant*: quæ additio particulæ *Hispanis* aliquando est usitata, *En llamando ala puerta luego salimos todos*; *yo yré luego en acabando de comer*. Similiaque *Italorum* & *Hispanorum Gerundia* eleganter circumferuntur cum verbis *Stò estoy*, *vò voy*. *Yo stò considerando*, *io vò pensando*; *estoy comiendo*, *esta escriviendo*; loco videlicet Præsentis Verbi à quo *Gerundium* suam ducit originem, *Io considero*, *io penso*; *yo como*, *el escribe*: quibus circumlocutionibus interdum etiam utuntur *Galli*, ut liquet ex his versibus *Salustii Du Bartas*.

*Mais pourquoy fols humains allez vous compassant
Du compas de vos sens les faicts du tout puissant.*

Superiunt *Participia*, quorum duplex genus recipiunt *Galli*, *Itali*, & *Hispani*, & *Latinorum* more, ad duo tempora referri queunt, *Præsens* scilicet & *Præteritum*. *Participia* primi temporis apud *Gallos* desinunt in *ant*, *chantant*, *escoutant*, *dormant*. Apud *Italos* verum duplici terminatione gaudent *ante* & *ente*, *amante*, *errante*, *dolente*, *ubediente*; ut etiam apud *Hispanos* *amante*, *escriviente*, *sirviente*:

serviente: quæ omnia pari modo ac *Gerundia* suam ab Infinitis deducunt originem. Sed hujusmodi *Italarum* & *Hispanorum* Participia ad naturam nominis propius accedunt quam Participii, & rarò adsunt in oratione, nisi nominis qualitate sint induta: aliàs ut plurimùm circumlocutione, vel saltem *Gerundio* solent exprimi.

Participia Præteriti temporis *Hispani* terminant in *Do*, *amado*, *querido*, *oydo*. Itali in *to*, vel *so*, *amato*, *voluto*, *aperto*, *sciolto*, *vdito*, *fatto*, *detto*, *offeso*, *inteso*, *promesso*. Galli verò pro illis varias terminationes admittunt, quæ tamen subsequenter possunt reduci in *é* mascul. ut sunt omnia primæ Conjugationis *aimer aimé*, *chanter chanté*: In *y*, pro Verbis scilicet tertiæ inflexionis, *bannir banny*, *choisir choisy*: in *eu*, *pouvoir peu*, *avoir eu*, *devoir deu*: in *u*, *vouloir voulu*, *battre battu*, *connoître connu*; maximè illa quorum Infinitivus definit in *dre*, præcedente liquidâ *n* aut *r*, *vendre vendu*, *perdre perdu*: vel denique in consonam, quæ ut plurimùm est *t*, *cuire cuit*, *produire produit*, *faire fait*, *dire dict*: aut *s*, *commettre commis*, *promettre promis*, *comprendre compris*.

Hæc ultima Participia duplici modo possunt considerari, vel tanquam *Activa*, aut tanquam *Passiva*, quatenus nimirum in Conjugationibus Verborum cum *Auxiliaribus* junguntur: Si cum *Auxiliari Passivorum* cœunt, declinantur sicut Nomina, prout expetit numerus Verbi, vel genus Nominis ad quod referuntur. *Je suis aimé*, *je suis aimée*, *nous sommes aimez*, *nous sommes aimées*. Idemque de Italicis & Hispanicis judicium fieri debet.

Si verò cum *Auxiliari Activorum* jungantur, neque genus, neque numerum mutant, sed semper retinent singulare generis masculini, nisi tamen præcedat Nomen, ad quod *Participium* immediatè referri possit; quo in casu

casu Galli & Itali Participium cum nomine numero & genere conjungere solent; *L'homme que je vous ay ennoyé, l'huomo ch'io vi hò mandato, la lettre que je vous ay escrite, la lettera ch'io vi hò scritta; les services que vous m'avez rendus, i seruigi che voi m'havete resi; & similia quibus Hispani uno eodemque modo semper respondent, singulari videlicet generis masculini, el hombre que me aveys embiado, los servicios que me aveys rendido.*

Peculiares quadam de Verbis observationes.

1^o Tali Negationis Imperativum eleganter circumferunt per Infinitivum, præfixâ videlicet Negativâ Non, *non disperar Aminta; Pastor non mi toccare, son di Diana.*

2^o Gallorum, Italarum, & Hispanorum Infinitivi æquè benè ac Latinorum Nominis naturam possunt induere. *Le boire, le manger; el beuer, el comer; ut in his versibus Sannazari,*

*L'hauer altrui più caro che se stesso,
Il lagrimar e sospirar mai sempre,
L'arder da lungi, ed agghiacciar da presso,
Son la cagion ch' amando j' mi distempre.*

3^o Ubi duo Imperfecta Subjunctivi modi apud Italos & Hispanos simul occurrunt, Galli primum per Imperfectum Indicativi solent exprimere, ut in hoc exemplo. *S'io haueffi bella moglie haverei bei figlivoli; Sy j'avois une belle femme, j'aurois de beaux enfans.*

4^o Itali & Hispani sæpissimè confundunt Aoristum, hoc est Perfectum simplex, cum Perfecto composito, Galli verò nunquam, v. g. *Nous anon disné aujourd'huy ensemble;*

semble ; hoggi noi habbiamo desinato insieme ; Hispani indifferenter possunt dicere ; *Oy avemos comido juntos*, vel *Oy comimos juntos* : Alias actio hodierna *Perfecto Composito* semper est exprimenda ; hesternæ aut remotior *Perfecto simplici*. Hujusmodi differentiam luculenter tractavit *Anthonius Oudin* in suâ Analogiâ superius citatâ.

5° *Gerundia* Latinorum in *Di*, per Infinitivum solent explicari, præpositâ particulâ *de*, pro *Gallis & Hispanis*, *Di* pro *Italis*, v. g. *Da mihi copiam ludendi*, *Donnez moy congé de joüer*, *De me v. m. licencia de jugar*, *Date-mi licenza di giocare*. Si verò sequitur in phrasi Latinâ gratiâ vel causâ, tunc Galli cum Infinitivo assumunt Præpositionem *Pour*, Itali *Per*; Hispani *Por*, aut *Para*; sicut etiam pro Gerundiis in *dum*, *Non sum sat fortis ad ferendum tantum onus*, *jene suis pas assez fort pour porter une sy grande charge*; *per portar così gran carico*; *para llevar tan gran carga*.

6° Si illud Gerundium Latinorum in *dum*, necessitatem importet, Infinitivum assumunt cum Impersonali, secundum Latinorum *Oportet*, *Studendum est*; *Il faut estudier*, *bisogna studiare*; *es menester estudiar*: oportet studere.

Tandem Latinorum Supinum in *um*, quando cum Verbo *Motus* conjungitur; per Infinitivum communiter solet exprimi; *Eamus pransum*, *Allons disner*: cui quidem Infinitivo Itali & Hispani præponunt particulam *a*, *Andiamo a desinare*, *vamos a comer*. Et Phrases quas Latini & Itali per Verbum Substantivum efferre soliti sunt, Galli & Hispani primo utuntur *Auxiliari*, & tertiâ singularis numeri personâ, ut ex sequentibus exemplis perspicui potest; Quid novi est? *Che c'è dinuovo*; Sunt multi homines, *Sono molti huomini*; Galli dicunt, *Qui a-il de nouveau?* *Il y a plusieurs hommes*; Hispani, *Que ay de nuevo?* *ay muchos hombres*.

*Formula loquendi Gallorum, Italorum, &
Hispanorum in secunda & tertia persona.*

I *Tali & Hispani* absque Pronomine Personali Verbum sæpius solent exprimere, sed *Galli* semper illud apponunt.

Galli & Itali secundâ plurali communiter utuntur, etiam si ad Individuum, & secundam personam singularem referatur oratio, *Sy vous m'escrivez, je vous feray response; Se voi mi scrivete, io vi farò risposta.* Neque unquam admittunt numeri singularis secundam personam, nisi contemptum, vel saltem familiaritatis affectum indicare velint,

Apud *Hispanos* verum hæc locutio abjecti sermonis signum est, ut faciliè potest percipi ex responso cujusdam Consiliarii *Granatensis* curiæ, qui cum ab aliquo Gallo, Hispanicarum Ceremoniarum imperito exceptus esset per vos, optimè dixit, *aquí Señor no ay vos si no vos.* Rarò, inquam, aut nunquam ab illis usitatur, & forsan rariùs quam ab *Italis & Gallis Tu*, nisi inter affines, consanguineos, familiares & amicos, ac cum iis, qui à nobis absolute dependere videntur, ut Princeps cum subditis, Dominus cum servis, Pater cum filiis; hocque scribendo solum, nam loquendo tertiâ ferè semper personâ soliti sunt uti, sed diverso modo.

Si cum inferiori illis sit tractandum, jungunt cum Verbo Pronomen *El*, vel subaudiunt illud, maximè quando semel aut bis in oratione fuerit productum, *Si el me haze essa merced, yo le tengo de hazer otra*: quâ in parte cum Germanis, & aliis Septentrionalibus Populis optimè conveniunt, qui secundam numeri singularis personam exprimere volentes dicunt *Der herr*; nec non Latine loquendo

quando *Dominus*, Si Dominus mihi hanc concedit gratiam, multum illi astrictus ero.

Si autem cum paribus vel superioribus sit procedendum, hæc duo vocabula solent assumere *vuestra merced*, cujus primum ab illis ut plurimum truncatur *vuesa merced*, & communiter *voaste*; illaque scribendo solum duabus exprimunt literis *v. m.* quâ locutione etiam pro Latino Idiomate utuntur Germani, quando dicunt, & quidem improprie, *Tua* vel *Vestra* aut *Sua Dominatio*.

Dixi suprà *Gallos* & *Italos* secundam pluralem communiter usurpare pro secunda singulari; sed magnum inter eos discrimen comperio. Nam *Galli* cujuscunque gradus vel dignitatis persona sit, quemlibet indifferenter tractant per *vons*, æquè bene Sutorem ac Nobilem de qua libertate valdè conquæritur *Joannes de Luna* in suis Dialogis. Ab *Italīs* verò similis dicendi formula cum inferioribus duntaxat, vel saltem æqualibus usitata venit: Si enim orationis cursus ad superiores, vel etiam pares dirigitur, quibus aliquod reverentiæ genus exhibendum sit, tunc in tertia persona loquuntur, sicut *Hispani*, *vostre Signoria*, cujus primam vocem similiter truncant *vo Signoria*, & ambo duplici tantum literâ scribi solent *v. s.* ut *Hispanorum v. m.*

*Quomodo utantur Itali Signoria, &
Hispani Señoria.*

Hunc ultimum loquendi modum in tertia persona ab *Hispanis* mutuati sunt *Itali*; sic testatur *Ludovicus Ariostus*, celebris & fide dignus auctor in quadam *Satyrâ*.

*Dapoi che l' adulatione Spagnuola,
Hà posto la Signoria in bordello.*

Idem

Idem refert *Jacobus Pergamini* in suo *Thesauro Della lingua volgare*, & ex nostratibus *Pasquier* in suis *Recherches de la France*. Verum hujusmodi titulus, etiam si eandem prorsus habeat significationem, modo tamen planè diverso ab illis solet uti parari. Nam *Italorum Signoria* æquivalet *Hispanorum Vuesa merced*, & ambo cuilibet Personarum generi possunt tribui. *Hispanorum* autem *Señoria*, Cardinalibus, Archiepiscopis, Episcopis, Abatibus, Comitibus, & Marchionibus solum attribuitur; quo in casu *Itali* aliquod Epithetum addere solent, pro Episcopis scilicet, Abatibus & Referendariis *Reverendissima*; pro Cardinalibus & Archiepiscopis *Illustrissima* & *Reverendissima*: quibus Epithetis etiam utuntur *Hispani* pro Ecclesiasticis, *Vuesa Reverendissima Señoria*, *Vuesa Illustrissima Señoria*.

Item *Signoria Illustrissima* decorantur Comites, Marchiones, Barones, Cancellarii, Præsides alicujus supremæ Curiae, Senatores Reip. Venetæ; quamvis generatim loquendo omnes hujusce Reip. Nobiles *Signoria Clarissima* communiter gaudeant.

Verum ab aliquot annis *Signoria Illustrissima* sibi usurpant Episcopi & Abates, id quod tam iniquo pertulerunt animo *Illustrissimi Domini Cardinales*, ut antiquo *Illustrissimorum* & *Reverendissimorum* titulo planè renunciare inceperint, ac novum & valde gloriosum ad invenerunt, nimirum *Eminentia*, quo jam in Italia, Galliâ & Hispaniâ communiter gaudent, ut nempe *Purpure* fastus ab aliis gradibus Ecclesiasticis possit dignosci.

Italis denique adeo placet hujusmodi Epithetorum usus, ut vix *Signoria* proferant sine aliquo ejus generis vocabulo, maxime quando producendus est terminus concretus *Signore* vel *Monsignore* ut statim ostendemus.

Vsus Vocabulorum Signore, Monsignore, Señor, Don, Monsieur, Monseigneur.

Quibus Italia *Signoria* tribuunt, etiam de illis dicunt *Signore*, quod est concretum, jungendo videlicet Epithetum, ordine & modo superius explicatis, *Reverendissimo, Illustrissimo, Eminentissimo, Clarissimo*: & ei solent præponere Possessivum Gallicum, *Monsignore*, quando de *Ecclesiasticis* habetur sermo, à *Cardinalibus* nimirum ad *Referendarios* usque.

Verùm præter jam enumerata attributa, aliis utuntur quamplurimis, v. g. *Consilarii & Doctores juris* sibi usurpant *Molto Magnifico*; *Mercatores Magnifico*; *Nobiles Molto Illustre*; *Medici Eccellentissimo*: de quibus *Franciozini* in suo vocabulario, vereor, inquit, ne cum tempore eorum etiam mulæ *Eccellentissime* velint appellari. Familiares tandem cum Familiaribus *Nobilissimo, Honoratissimo, Cortesissimo, Gentilissimo*, & aliis utuntur similibus, quæ ab animi affectu possunt suggeri.

Huic titulo duplici voce respondent *Hispani*, *Señor & Don*: *Señor* terminus est generalis, & ab infimo ferè usque ad Regem ipsum solet extendi, maximè initio *Epistolarum* & Præpositione affirmativâ aut negativâ. *Si Señor, No Señor*: quibus *Itali* attributum jungere soliti sunt, quando nimirum adest aliqua ex circumstantiis, quas superius stabilivimus, *Illustrissimo Signor si. &c.* Alter de quibuscumque Nobilibus, tam Ecclesiasticis, quam Secularibus. Ducibus, Principibus, ac de Rege ipso dicitur, *Don Phelipe por gracia de Dios Rey de Castilla, de Leon, de Arragon, de Jerusalem, de las Indias, &c.* *Don Carlos Infante de España*; maximè in subscriptionibus *Epistolarum*, ut infra ostendemus.

Tribuitur etiam *Don* omnibus ferè *Togatis* ut sunt *Præsidentes, Consilarii, Doctores, Sacerdotes, Medici, Baccalaurei, Licentiati, & similes.* Neque hîc prætereunda inepta quædam sed familiaris Hispanorum locutio, qui vocant *Señor Licenciado* quemlibet qui longâ incedit veste, etiam si aliquando neque duntaxat legere sciat. Sæpissime junguntur simul *Señor Don*, quando videlicet profertur nomen illius, ad quem noster dirigitur sermo, *Señor Don Diego una palabra.*

Ultimum sibi usurpant Nobiles in Italia, *Don Antonio Barbarini, Don Francesco Spada*; & quidam Ordines in Gallia, ut *S. Benedicti, S. Bernardi, Redemptionis captivorum* vulgo *Mathurini, Celestini, Carthusiani, & alii* pinguiores Monachi, quibus tribuitur *Don, Don Pierre, Don Bernard.* Sed qui sub inferiori Monachorum categoriâ collocantur, ut *quatuor Mendicantes, Carmelitani, Augustiniani, Dominicani, Franciscani, & Discalciati* simpliciter vocantur *Patres Peres*, si sint Sacerdotes, *Pere Ange, Pere Cherubin*: aliâs si Presbiteratûs gradum non attigerint, omnes sunt *Fratres in Christo, Frere Laurens, Frere Thibaud.*

Hæc duo supradicta Hispanorum attributa unicâ voce exprimunt *Galli*, nimirum *Monsieur*; cuius adeò latè extenditur usus, ut etiam de *Fratre Regis* per Anthonomastiam dici soleat, *Monsieur est General de l'armée*, hoc est, *frater Regis.* Sic in Hispania Regis fratres vocantur *Infantes, El Infante Don Carlos, El Infante Cardinale.*

Si tamen inferiores cum *Comitibus, Marchionibus, Ducibus* vel *Principibus* sermonem habent, tunc dicunt *Monseigneur*: id quod etiam erit intelligendum de *Ecclesiasticis*, quibus etiam more *Italorum* Epithetum addunt v. g. *Monseigneur l'Eminentissime Cardinal Duc de*

de Recheliu; Monseigneur l' Illustrissime Archevesque de Bordeaux: sed scribendo solum idque praesertim in subscriptionibus Epistolarum; & principio Dedicatariorum. Si autem sint pares, ut Duces cum Ducibus, Cardinales cum Cardinalibus, &c. sibi invicem dicunt *Monseigneur*, & non *Monseigneur*: quandoquidem haec ultima vox dominium exprimat, & alicujus ab aliquo dependentiam significet.

De Vocibus Faemininis Signora, Madonna, Señora, Doña; Madamoiselle, Madame; qua superioribus respondent.

QUAMVIS pari ratione utantur Itali *Signore & Signora*, sicut Hispani *Señor Señora, Don Doña*. Hoc tamen est notandum, quod Italarum *Signora* praesupponit quasi puellam, quae adhuc non nupsit; vel si nupta, personam nobilem indicat; aut saltem quae non sit ex infima plebe, ut Sutorum, Sartorum, & aliorum artificum conjuges, quae alio nomine solent appellari *Madonna, Madonna Honorata, Madonna Tullia*: quo quidem titulo *ἡ ἑξοχὴ*, pro Maria Virgine uti solent, *La Madonna*, eodem modo, quo Galli dicunt *Nostre dame*, & Hispani *Nuestra Señora*. Sed jam adulatur usus, & similes respectus pedibus calcantur: Nam hodie Meretrix, Comica, & quaelibet alia vilis foemina, etiamsi Interpolatrix, modo formositas sufficiens appareat in vultu, & luxus in vestibus, aequè benè vocatur *Signora* ac Comitissa.

Señora & Doña Hispanorum eodem prorsus usurpantur modo ac *Señor & Don*: & sicut *Don* quibuscumque tribuitur Nobilibus & Regi ipsi, Ita *Doña* etiam de Re-

gina dicitur: ambo ut masculina possunt conjungi. Nec non blanditiæ, & reverentiæ causâ, aut denique obedientiæ primo utriusque generis titulo solent addere Possessivum primæ personæ, *Por vida del Rey mi Señor, a mi Señor Don Gaspar de Vellasco, a mi Señora Dona Maria Sanchez.*

Galli duplicem similiter habent vocem, nimirum *Madamoiselle* & *Madame*. Prima propriè tribuitur *Virginibus* ex Nobili oriundis profapiâ, & extenditur usque ad Regiam familiam exclusivè; exclusivè, inquam, nam Regis filia, si quæ sint, per *Anthonomasiam* dicuntur *Dames, Madame*; quemadmodum filia Principis vocatur *Madamoiselle*. Et jam in Gallia, si illud vocabulum *Madamoiselle* proferas solum est subintelligenda filia fratris Regis. Verum ab aliquot annis, adeo familiaris esse incipit *Madamoiselle*, ut jam *Circulatrices* & *Meretrices publicæ* illud sibi audeant usurpare: & in quibusdam Gallia Provinciis, ut *Languedochio, Biturigio, Vasconia, Provincia*, & aliis quamplurimis adeo vili venditur prætio, ut quibuscumque indifferenter tribuatur modo sint divites, formosæ & superbis indutæ vestibus, maximè quando non nupserunt.

Madame de omnibus generatim dicitur, quibus alter negatur titulus; modo tamen talis persona non sit ex face populi, quo in casu rescinditur Possessivum, & dicitur solum *Dame, Dame Jeanne, Dame Barbe*; sicut dicimus pro genere masculino *Maistre, Maistre Jean, Maistre Blaise*. Etiam extenditur ad Personas Nobiles à Baronissis ad Reginam usque: sed notandum ejusmodi Personas hoc titulo frui non posse, quin prius inierint matrimonium, præter filiam Regis, ut supra diximus, alias semper sunt *Damoiselles*. Hanc etiam dignitatem sibi usurpant, Præfidentium uxores, Consiliariorum status, ærarii præfectorum & alia quamplurimæ, neque jam obstat quo

quo minus viri populares ad illud fastigium suas possint extollere conjuges, ut sint *Dames Damées*, ut vocant; quamvis Aceti & Sinapi mercator, modo sufficientem in arcula pecuniam habeat, mediante quâ officium aliquod pingue sibi queat comparare, cum sex equulis, qui charissimam consortem in curru vehant, unde nobis concludere licet, quod titulus non decoret neque exornet personam, sed persona titulo auctoritatem præbeat.

Supradicti Gallorum tituli *Monsieur, Monseigneur; Mademoiselle, Madame*, in Narrationibus ut plurimum Possessivum amittunt, *Promesse de mariage faite par le dit Seigneur a la dicte Dame, en presence du Sieur de Accords, & de Damoiselle Christine de Chabrieres.*

*De quibusdam aliis Gallorum, Italorum,
& Hispanorum titulis.*

Galli quibusdam aliis utuntur attributis, ut *Messire & Sire*: quorum i si mutes in e, habebis *Italorum Messere & Sere*. Hæc ultima confunduntur, & primum quidem ad Populares usque extenditur, quibus videlicet generalem titulum tribuere nolunt, *Messer Giacomo, Messer Fabio*. Gallorum *Messire* de Nobilibus solum potest efferri, v. g. *Messire Jacques de Bethumes Comte de Selles, Messire Pierre le Feron President aux Enquestes*: & etiam de Ecclesiasticis gradibus, ut sunt *Parochi & eorum Vicarii, Messire Jean, Messire Guillaume*: Si autem de Plebe infimâ habendus sit sermo, tunc dicunt *Maistre Henry, Maistre Thibaud Premier Crocheteur jnré du port au foin*. Quæ quidem vox *Maistre* literatis quoque tribui solet, maximè *Curialistis*, ut sunt *Procuratores & Causidici, Maistre Estienne Braquet advocat en Parlement.*

Notandum præterea *Burgundos*, & quosdam alios ultimum *Gallorum* vocabulum *Sire* attribueret etiam infimis Popularibus, ut *Itali* observare solent pro *Messere*: sed propriè loquendo *Sire* Regi soli convenit; quo in casu dicunt etiam *Itali Sire*, non mutato *i* in *e*, ut nimirum à populari voce *Sere* dignosci queat.

Item *Romano Pontifici* Galli dicunt *Saint Pere*, *Vostre Sainteté*: *Itali Beatissimo Padre*, *Vostra Santità*: *Hispani Santissimo Padre*, *Vuesa Santidad*.

Imperatoribus & Regibus Hispani tribuunt *Magestad*; cujus mediam & ultimam *Itali* rescindunt consonam *Maeftà*; Galli mutant *g* in *i*, & terminationem *Italorum* in *é*, *Majesté*.

Ducibus Venetorum & Genuensium *Serenità*: *Filiis aut Fratribus Regis, & aliis Principibus Itali* dicunt *Altezza*, & in concreto *Serenissimo* aut *Serenissima*: *Hispani* simplici utuntur consonà *Alteza*: Galli duplicem *ss* substituunt *Altesse*. Verùm hic titulus non adeò latè extenditur apud *Gallos*, ut apud *Italos & Hispanos*: Nam talis Princeps ut *Altesse* sibi usurpare possit, supremus & absolutus debet esse: nam si ab alio dependet, ut in *Gallia* Princeps de *Condé*, de *Fainville*, de *Guimené*, & alii similes hujusmodi encomio nequeunt gaudere, sed dicitur *Vostre Excellence*, vel *Vostre Grandeur*; secundùm *Italorum & Hispanorum* usum, qui etiam *Ducibus* illud attributum solent concedere, *Vostra Eccellenza*, *Vuesa Excelencia*: Si tamen sit absolutus ut *Dux Sabandia, Parma, Mantua, &c.* superiori utuntur titulo *Altezza*.

Neque etiam *Monachi* à titulorum fastu abstinere volunt: *Generales* ordinum sibi attribuunt *Reverendissima Paternità*; *Provinciales* *Reverenda Paternità*; *Guardiani* *Vostà Paternità*; *Patres* *Vostra Reverenza*: id quod etiam de *Gallis & Hispanis* erit intelligendum. Sed pa-
rum

rum ad nos *Monachorum* familiaritas, ideo quæ illos spectant præmittamus, & quæ magis nostro conveniunt proposito absolvamus.

*Appendix de Stilo, quem in conscribendis
Epistolis observant singuli.*

Galli in prima lineâ, & quidem solâ scribunt *Monsieur, Monseigneur, Madamoiselle, Madame, Sire*; quæ iterum apponuntur in fine, lineâ etiam separatâ: deinde sequitur à latere, scilicet dextro, & paulò inferiùs *Vostre tres humble & tres obeissant serviteur; Vostre plus humble & bien affectionné; Le moindre, mais le plus obeissant, & le plus affectionné de tous vos serviteurs; Vostre Redeuable a jamais*; & ejusdem generis obsequia. In subscriptione repetuntur supradicta vocabula, *A Monsieur Monsieur*; primum videlicet in separata lineolâ: Sed Regi simpliciter scribi solet *Au Roy*.

Hispani & Itali lineâ separatâ, & ad formam tituli ducunt exordium. Hispani scribunt *Señor, Señora*; sed non repetuntur, neque in conclusione, neque in subscriptione: sed in conclusione scribunt, & distinctâ Lineolâ aliquantum ab ipsâmet narratione sejunctâ *De v. m. De vuesa Excelencia, &c.* eodem planè modo quo *Itali* scribere solent *Di v. s. Di v. s. Illustrissima, &c.* deinde paulò inferiùs apponunt obsequium, *Su mas humilde criado*, aut aliquid simile. Verùm in subscriptione nomen personæ simpliciter ponunt, *A Pedro de Valencia*: præponunt tamen nomini *Don & Doña*, quando nimirum adsunt conditiones superiùs allatæ, *A Don Diego de Velasco Capitan de la guardia de su magestad*; nec non obsequii & reverentiæ gratiâ præponere aut postponere li-

cet *Mi Señor, Mi Señora, A Don Gaspar de Benavides mi Señor, A mi Señora Doña Catalina Reales*. Si autem sit persona (ut vocant) titulata, v.g. *Marchio, Comes* aut *Dux*, neque *Don* subscribunt, neque etiam nomen talis personæ, sed simpliciter dicunt *Al Duque de Lerma mi Señor, Al Conde de Fuentes*. Hoc tandem peculiare habent, quod subscriptionem claudant sequenti præcatione *Guarde Dios*, vel *A quien Dios guarde, A Domingo Sanchez guarde Dios, Madrid; Al Duque de Medina Sidonia mi Señor a quien Dios guarde, En Sevilla*.

Itali semper Epithetum addunt, *Serenissimo Signore, Illustrissimo Signore* : sed majoris obsequii & urbanitatis gratiâ iterum addunt *Padron mio Colendissimo, osservandissimo mio padrone; Al Molto Magnifico Signore e Padron mio osservandissimo, Il Signor Giacomo Vitelli, Roma*. Et ab his & illis in hoc potissimum discrepant *Galli*, quod personæ nomen proprium nunquam exprimant, sed cognomen solum, *A Monsieur, Monsieur de Cheury intendant des finances, A Paris; A Monsieur Perrot A Bordeaux*.

De Pronominibus.

Pronominum quinque genera constituunt Grammatici, *Possessiva, Relativa, Demonstrativa, Indefinita, & Personalia* : quæ omnia ferè ad duas species possunt reduci, nimirum *Conjunctiva & Absoluta*. Ac primum de *Possessivis* sermonem instituamus.

Galli & Hispani duo Possessivorum genera norunt; *Itali* verò unicum genus habent, quibus utuntur & *Conjunctivè & absolutè*, videlicet *mio, tuo, suo, nostro, vostro* cum suis *Fœmininis*, & indeclinabili *Loro*, quod *Galli* dicunt

dicunt *Leur*, & antiquitus *Lor* ut observavit *Pasquier*.

Conjunctiva *Gallorum* Possessiva, quæ singularem exprimunt possessionem, unicâ gaudent terminatione pro secundo numero, *mes, tes, ses*; pro singulari duplici *mon, ton, son*, generis masculini; *ma, ta, sa*, generis fœminini. Verùm *Hispani* utrumque genus, tam in singulari quam in plurali, sub una terminatione complectuntur *mi, tu, su; mis, tus, sus*. Absoluta *Gallorum* possessiva, quæ tribus supradictis solent respondere, pro quolibet genere peculiarem habent terminationem, *Mien mienne, tien tienne, sien sienne*; sicut etiam *Itali* & *Hispani* *Mio mia, Mio mia*; tuo tua, *tuyo tuya*; suo sua, *suyo suya*: quorum omnium pluralis numerus est regularis.

Gallorum & *Hispanorum* Possessiva, quibus possessionem ad plures referre incumbit, *Conjunctivorum* & *absolutorum* obeunt munus, ut apud *Italos*, *Nostre, Vostre* pro prima & secundâ personâ; quibus *Itali* & *Hispani* duplicem assignant terminationem in utroque numero, ad normam aliorum adjectivorum, *Nostro nuestro, Vostro vuestro*, &c. Sed *Galli* in plurali distinctionem adhibent, & quando sunt *Conjunctiva* dicunt *nos, vos*: quando verò sunt *absoluta* regulâ utuntur generali, & addunt *s, Les nostres, les vostres*.

Tertium tandem hujusce generis Possessivum agnoscunt *Galli* & *Itali*, pro tertiâ scilicet personâ, nimirum *Leur, Loro*; quæ quidem voces etiam possunt esse Personales, ut suo loco dicemus. Hoc Pronomen *Hispani* coguntur exprimere per antecedens possessionis singularis *su*, quo indifferenter utuntur, & cum ad unum & plures refertur possessio, *Vn soldado con su capitau; yuan los hombres en compaña de sus mugeres*.

Possessiva primi generis articulo minori gaudent, *Absoluta* majori; idque apud *Gallos* & *Hispanos*: nam *Itali* majorem

majorem illis articulum præponunt sæpissimè etiam si *Conjunctivorum* insigniantur naturâ, *Il mio padre, la tua madre, i suoi fratelli*; quod Gallis sonat, *Mon pere, ta mere, ses freres*. Similem constructionem à veteribus Gallis forsan mutuati sunt, qui olim possessiva, quæ jam apud nos pro *absolutis* habentur, nominibus jungabant cum articulo majori, ut legere est apud *Guerinum de Morte-brune*, celeberrimum & antiquissimum scriptorem; *Le mien Siegneur, le tien corps, les siennes proïesses*, & alias quamplurimas ejus generis locutiones, quas Recentiores omnino respuunt, nisi aliquando post *Numerale un*, & *Demonstrativum ce*, *Vn mien amy, &c.* id quod etiam admitti potest post *Numerale Deux*, *Deux siens freres*, ut observârunt *Martinus & Ondin*.

Ex *Relativis*, quibus utuntur Galli, primùm nobis occurrunt *qui & que*; quorum ultimum *Accusativis* solùm inservit: *qui* e contrâ, exceptis *accusativis*, de omnibus casibus potest dici.

Hæc duo *Relativa* unicâ voce exprimunt *Itali*, nimirum *Che, non c'è nessuno che lo possa fare, Il n'ya personne qui le puisse faire; Il servitore che voi mi havete mandato, Le valet que vous m'avez envoyé*. Sed hujus *Pronominis Italorum* usus ad nominativum & accusativum solùm restringitur; Nam ubi de obliquis sit agendum, tunc assumunt dativum *Latinorum Cui*, *Voi cui fortuna hà posto in man il freno; Alme leggiadre a cui l'alto motore; Crudel donna per cui mi vò struggendo; Tempio in cui sol si piagne e si sospira*.

Verùm *Hispani* illis duplici respondent voce, *quien & que*: sed ultimum latius extenditur quàm *Gallorum que*; nam de nominativo æquè bene ac de accusativo dicitur, sicut *Italorum Che, El hombre que vine bien, l'huomo che vine bene*.

Hæc

Hæc supradicta *Relativa* etiam possunt esse *Interrogativa*, sed in simili casu Gallorum *qui* & Hispanorum *quien* ad solam referuntur personam: aliud vero Gallis & Hispanis commune *que*, cum Italogum *che* neutraliter, & pro re tantum accipiuntur, *que faites vous?* *que hazeys?* *che fate voi?* Cum hoc tamen discrimine, ut Gallorum *que* de nominativo & accusativo solummodo dici possit: alia verò de omnibus efferuntur casibus: quibus satisfaciunt Galli cum Relativo aut Interrogativo *Quoy*, *De que me habla v. m?* *De quoy me parlez vous?* v. g. quando Præpositioni jungi possunt, *Perche*, *Porque*, *Pourquoy*; *nelche*, *en que*, *en quoy*; *con che*, *con que*, *avec quoy*. Si autem occurrat, ut Italogum *che*, & Hispanorum *que*, de personis dici queant, v. g. in istis exemplis, *Che huomo è costui?* *Que hombre es aquel?* Interrogativorum *quale* & *qual* occupant locum, similisque Phrasæ per istud ultimum Galli solent exprimere, *Quel homme est ce cy?* *Sur quel subject disputez vous?*

Quod autem ad tertium *Relativum* spectat, quod à Latinis solet efferri per *qui*, *quæ*, *quod*; nihil discrepant: si quidem Hispani dicunt *Qual* pro utroque genere; Itali addunt *e*, ut fiat *Quale*; Galli mutant *a* in *e*, *Quel*, *Lequel*; & addunt *e* pro fœminino duplicando consonam, *Laquelle*. Et singula articulo majori declinantur, nisi quando sunt Interrogativa, aut Distributiva, ut apud Italos, v. g. *Qual ritorna in casa*, *qual s'annida in selva*; *Qual' andò in Francia*, *qual' in Inghilterra*, *qual' in terra Tedesca*.

Galli præterea tres habent particulas, quæ Relativorum nomine gaudent, *En*, *y*, *Dont*. Prima ad rem, locum & personam referri potest; *Prestez moy une Grammaire*, *sy vous en avez une*; *Venez vous de Paris?* *Oùy Monsieur*, *J'en viens*; *Combien avez vous de freres?* *J'en ay cinq*.

Huic

Huic optimè respondent Itali cum particula *Ne* factâ solum literarum transpositione, *Prestatemi una Grammatica, se voi ne havete una. Venite voi di Parigi? Signor si, jo ne vengo; Quanti fratelli havete voi? Jo ne hò cinque.*

Secunda refertur ad rem & locum; *Avez vous esté a Londres? J'y fu la sepmaine passée: Ne voulez vous pas satisfaire ala promesse que vous m'avez faite? Oüy Monsieur, j'y satiferay quand il vous plaira.* Ab Italis exprimitur per *ci* aut *vi*; *Sete stato a Londra? Jo ci fui la settimana passata: Non volete sodisfare alla promessa che voi m'havete fatta? Signor si, jo sodisfarò quando vi piacerà.*

Similes particulas non nōrunt Hispani, sed Latinorum more ejusmodi Phrases solent declarare, repetendo scilicet nomen ipsum, vel adverbium, v. g. *Des mihi Grammaticam, si aliquam habes: Venis Parisiis? Illinc venio:* Hispani sic resolvunt, *Deme v. m. una Grammatica, si tiene alguna: Viene v. m. de Paris? Si Señor, yo vengo de alla:* idemque de similibus ferendum est judicium.

Tertia Relativa Gallorum particula, quæ est *Dont*, ad rem & personam refertur, *L'homme dont je vous ay parlé ce matin; Vous me faites un plaisir, dont je me souviendray toute ma vie.* Sed Itali & Hispani Latinorum sequuntur usum, homo de quo tibi loquutus sum mane; In me beneficium contulisti, cujus recordabor quamdiu vivero. Itali dicunt, *L'huomo di cui vi hò parlato stamattina; Voy m'havete fatto un piacere, del quale jo mi ricorderò tutta la mia vita.* Hispani denique sic exprimunt, *El hombre de quien yo os he hablado esta mañana; v. m. me ha becho un servicio, de que me tengo acordar toda mi vida:* assumendo videlicet Relativum personæ & Relativum rei ordine & modo superiùs allato.

Si verò illud Gallorum *Dont* in genitivo ponatur, & immediatè

immediatè sequatur nomen, à quo regi possit, ut in hoc exemplo, *C'est un libure, dont l'auteur est fort estimé*; tunc Itali utuntur Relativo *cui*, & illud inter Articulum & nomen collocant; *è un libro, il cui autore è molto pregiato*. Hispani verò peculiari utuntur voce scilicet *Cuyo*, *cuya*, &c. *Es un libro, cuyo autor es muy estimado*.

Hoc ultimum Pronomen etiam usurpant Hispani, tanquam Interrogativum possessionem denotans, numeroque similiter & genere cum re possessâ convenit, *Cuyo es este cavallo? Cuya es esta casa? Cuyos son estos niños?* Sed Itali Latinorum retinent phrasim, *Di cui è questo cavallo? &c.* Galli dativum apponunt, *A qui est ce cheval?* Ut etiam pro responso ad similes interrogationes solent observare; *C'est à moy, c'est à luy*: Itali verò & Hispani cum Latinis conveniunt, *Meum est, è mio, es mio: Suum est, è suo, es suyo*; & sic de aliis.

De Demonstrativis dicendum, quorum duo sunt genera ut & possessivorum, *Conjunctiva* nimirum & *Absoluta*. Apud Gallos duo potissimum reperiuntur ultimi generis *Demonstrativa*, *celuy*, *cestuy*; quorum primum subsequitur semper unum ex Relativis, *celuy qui fait bien; celui que vous voudrez; celle que vous aimerez le mieux; ceux qui vous seront plus affectionnez*. Alterum non est in usu, nisi sit junctum cum particulis *cy* aut *la*, *cestuycy*, *cestuyla*; *cestecy*, *cestela*: Neque etiam præcedens, quando videlicet Relativorum societate non fruitur; *Cestuycy est amoy, & celui la est à vous; Vous me donnerez ceste cy, & vous retiendrez celle la pour vous*.

Primum exprimunt Itali per *Colui*, mutando e Gallorum in *o*, & sunt ejusdem naturæ. Secundum per *costui* & *cotestui*: *costui* videlicet, quando Gallorum *cestuy* jungitur cum particula *la*; *cotestui* quando sequitur alia, nimirum *cy*, *cestuycy*. Horum trium Italica Dialecti Pronominum

nominum differentiam clariùs explicant *Adrianus Politi* & *Jacobus Pergamini*, nimirum quòd *cotestui* dicatur de persona quæ juxta me adest; *costui* de illo, qui proximus est personæ ad quam meus dirigitur sermo; *colui* verò, vel potius *quello*, de persona magis remotâ, & in tertio existente loco.

Ultimum istorum *Hispanis* sonat *aquei*: *costui* exprimitur per *esse*: *cotestui* per *este*. Verùm hæc Hispanorum Pronomina & *Conjunctivorum* & *Absolutorum* naturam possident: quando sunt *Conjunctiva*, Itali primum exprimunt per *quello*; secundum per *questo*; tertium per *cotesto*. Sed Galli pro primo dicunt *ce*, *Ce gentilhomme qui me parla hier*: cui addunt *t*, quando videlicet nomen sequens incipit à vocali, *cet homme*, *cet infame*: Si autem addas Substantivo supradictas particulas, alia duo tibi aderunt Demonstrativa, *Ce libure la*, *cet homme cy*; Si verò particulam immediatè post Pronomen subjungas *cela*, *cecy*, accipiuntur neutraliter, *Italisque* sonant *Questo*, *cotesto*; *Hispanis* *esso*, *esto*. Si tandem post *ce* Gallorum sequitur Relativum, neutraliter & pro re sumitur, ut in hoc exemplo, *Donnez moy ceque vous m'avez promis*: & tunc Itali dicunt *Quello* aut *Ciò*, *Datemi quel che m'havete promesso*.

Quod spectat ad quartum Pronominum genus, scilicet *Indefinitorum*, duo præcipua nobis hîc consideranda veniunt, *Latinorum* negativum *Nemo*, & Reciprocum *ipse*; vel particula conjunctiva *met*; *egomet ipsemet*. Primum Hispani dicunt *Nadie*, Galli *Personne*, Itali *Nessuno*; Nemo est, *No ay nadie*, *Il n'y a personne*, *Non c'è nessuno*: Sed cum hoc discrimine tamen, quòd Italicorum *nessuno* etiam nominibus jungi possit; alia duo sunt purè absoluta.

Pro Reciproco prorsus conveniunt quoad vocem & vo-

cis naturam : Galli dicunt *mesme, moy mesme, luy mesme, le Roy mesme* : Hispani *misimo, yo mismo, el Rey mismo* : Itali *medesimo* ; cui secundum addunt, & quidem usitatus primo, nimirum *Stesso, egli stesso, loro stessi, le donne stesse* : & eleganter illi præponitur *i*. quando immediate ponitur post Articulum *v. g. l'istessa casa, l'istesso contadino; l'istesso vi dirò sempre*, neutraliter scilicet acceptum, quod Galli dicerent *Je vous diray toujours le mesme* ; Hispani sic, *To lo diré siempre lo mismo*. Ejusmodi vocalis additionem observant sæpissimè Poëtæ pro vocabulis, quæ simili incipiunt modo, hoc est ab *s* sequente aliâ consonâ, *ispirito, isdegno, isperanza, &c.* de quibus tibi consulendus est *Bembus* in suis Profis.

Personalia tandem aut sunt *Conjunctiva*, aut sunt *Absoluta*. *Conjunctiva*, ea nimirum quæ cum verbis immediate jungi solent, aut nominativo solum inserviunt, aut dativo & accusativo.

Gallorum *Conjunctiva* primi generis sunt *je, tu, il, elle*, cum suis pluralibus *nous, vous, eux, elles*. Italorum *io, tu, egli, ella* ; quæ in plurali recipiunt, *noi, voi, egli, ella* vel *loro* pro utroque genere. Hispanorum *yo, tu, el, ella* : in plurali *nos* aut *nosotros, vos* vel *vosotros, ellos, ellas*, cum fœminino regulari *nosotras, vosotras*. Sed hîc notandum *nos* Hispanorum nunquam proferri in nominativo sine alia voce, nisi ratione celsitudinis aut dignitatis, *v. g. Nos Don Phelipe por gracia de Dios Rey de las Españas* : Neque *vos*, nisi contemptus gratiâ, ut a libi annotavimus, quando videlicet in secunda singulari usurpatur : Sed optimè in dativo & accusativo, ut Gallorum *nous, vous, Nos quiso llenar configo; Il nous veut mener avec luy* : quo in casu prima rescinditur litera secundæ personæ, *yo os digo; je vous dis; yo yré mañana a visitaros, je vous iray demain voir*. Si tamen cum Præpositione

positione jungatur integrè proferendum est, *yo muero por vos.*

Pro *Conjunctivis Personalibus* secundi generis, sicut etiam pro *Reciproco tertia persona*, quod Latinis sonat *sui, sibi, se*, quoad personas singulares, Galli & Hispani similibus planè utuntur vocibus nimirum *me, te, se; je me resjoüy, tu te resjoüis, il se resjoüit*; *Yo me huelgo, tu te huelgas, el se huelga.* Itali mutant *e* in *i, mi, ti, si*; & nonnunquam Gallorum & Hispanorum terminationem retinent, quando videlicet sequitur alia particula pronominalis diversæ terminationis, ut *lo, la, le, ne* & similes, *Jo non me ne curo, Jo te lo darò quanto prima*: id quod etiam intelligendum erit de pluralibus primæ & secundæ personæ, *ci, vi*; *Subito ce lo dette, humilmente ve ne prego.*

Sola superest *tertia persona*, voces nimirum, quæ dativo & accusativo possunt inservire. Pro accusativo communiter utuntur iisdem vocibus, quibus usi sunt in Articulo, Galli scilicet *le, la, les*; Hispani *lo, la, los, las*; Itali *il, aut lo, la, li vel gli, le*; ut in hoc exemplo, *je la veux marier, yo la quiero casar, jo la voglio maritare*: & sic de cæteris idem ferendum judicium, secundùm genus & numerum de quo erit quæstio.

Italorum particulae plurales *li, gli, le* singulari inserviunt dativo secundùm genus cuilibet conveniens; quamvis masculinum *gli* sæpius indifferenter pro utroque usurpetur genere, ac etiam in dativo plurali ut observavit *Laurentius Franciozini in suo Vocabulario*: tamen in plurali ut plurimum dicunt *Loro, Hier lor dissi che venissero.* Galli dissillabum in unam contrahunt syllabam, & simplicem vocalem in diphtongum reducunt *leur, je leur dis hier qu'ils me vinssent trouver*: Sed pro dativo singulari dicunt *luy* in utroque genere; quo in casu Hispani Gallorum

Gallorum Articulum usurpare videntur, vel saltem proprium transponere, nimirum *le* pro singulari, *je luy diray*, *yo le tengo de dezir*: In plurali *les*, *y luego les dixo que callassen*; & aussy tost il leur dist qu'ils se teussent.

Neque hinc pratercunda insignis quadam & valde notanda harum particularum differentia, earum videlicet quæ supradictis inserviunt obliquis: quod nempe apud *Italos* & *Hispanos* hujusmodi particula frequenter collocantur post verbum, & quasi in unam eandemque coalescant dictionem, *Per farui favore*, *jo voglio mandargli quel ch'io gli hò promesso*; *por hazeros favor*, *yo le tengo de embiar*, &c. v. g. quando *Hispani* mutant *r* finale infinitivorum in *l*, quando sequitur particula *le*, *dezille*, *hazelle*, pro *dezirle*, *hazerle*: & quando transponunt *d* in secunda plurali Imperativi, *llamalda*, *dezilde*, pro *llamada*, *dezidle*. Galli verò ante verbum illas semper collocare solent; neque ullo modo post verbum eas possunt admittere, nisi in Imperativo, *Dites luy qu'il vienne*, *faictes le entrer*.

Absoluta pluralia à nominativis Conjunctivorum nihil differunt apud *Hispanos*; neque etiam apud *Gallos* & *Italos*, nisi in tertia personâ, pro qua *Itali* dicunt *loro*: Gallia *eux* pro genere masculino, *je ne me soucie point d'eux*; *jo non mi curo di loro*: quoad fœmininum verò par est ratio cum nominativo Conjunctivi; *je me moque d'elles*; quod *Itali* explicant etiam per *loro*, *jo mi burlo di loro*.

Pro singularibus porro *prima* & *secunda* persona, nec non etiam *Reciproci*. *Itali* & *Hispani* iisdem fere utuntur vocibus, nimirum *mi*, *ti*, *si*, pro *Hispanis*; *me*, *te*, *se*, pro *Italis*. Galli Græcorum fere terminationem retinent, *moy*, *toy*, *soy*: Cum hoc tamen discrimine, quod ejus generis Gallorum Pronomina etiam de nominativo dici

queant; v.g. *Ce n'est pas moy, moy que je le souffre jamais.* Itali verò & Hispani supradicta solum usurpant in obliquis; nisi inepti quidam vulgares in Italia, *Bononienses, Genuenses, Mediolanenses,* & alii, qui etiam utuntur illis in nominativo: Sed *Florentini, Sanenses, & Romani* pro nominativo *Coniunctivorum* nominativum iterum assumunt, *io sono, yo soy, c'est moy:* quæ ultima *Gallorum* locutio valde notanda est, quòd nempe tertiam singularem verbi Substantivi jungant indifferenter, cum omnibus *personarum* Pronominibus, *C'est moy, c'est toy, c'est luy, c'est elle, c'est nous, c'est vous mesme, &c.*

Quod denique ad tertiam spectat, *Galli* dicunt *luy* pro genere masculino; pro foem. *elle:* Itali *lui & lei:* Hispani sicut in *Coniunctivo* *el, ella:* quæ omnia ultimi generis Pronomina *Prepositionum* consortio ut plurimum solent gaudere; *je feray pour luy ce qui me sera possible; jo fare per lui quel che mi sarà possibile; yo hare por el lo que me ha de ser possible.*

Peculiaris quædam Particularum Analogia.

EAdem copulativâ utuntur *Galli* ac *Latini*, nimirum et sed consonam pronunciando *Galli* reticent. Itali rescindunt *t*, aut illud servant, vel saltem in *d* mutant quando videlicet dictio sequens incipit à vocali. *Ed io fui lasso colui che riferillo.* Hispani unicâ etiam utuntur vocali, & mutant *e* in *y*.

Disiunctivam, quæ *Latinis* sonat *aut*, Itali & Hispani unicâ similiter expriment literâ, finalem *Latinorum* consonam rescindendo, & mutando diphtongum in *ò*, ut sapientius soliti sunt facere, v.g. quando dicunt ex thesauro *tesoro*, aurum *oro*, *Laurentius Lorenzo*, & similia. Huic

particula

particulæ *Itali* solent etiam addere *d*, sicut in Copulativa, quando scilicet dictio sequens incipit à vocali, *Pommi in humil fortuna, od in superba*. Galli verò, ut moris est apud illos, addunt *n* simplicem *Italorum* & *Hispanorum* vocalem in diphtongum reducendo *ou*: quæquidem *Gallorum Disjunctiva* in Adverbium loci migrabit, si gravi notetur accentu *ou*, hoc est ubi.

Alia est *Disjunctiva* *Latinorum*, videlicet *nec*; Cui *Itali* finalem rescindunt consonam *ne*: Galli mutant *e* in *y*, *ny vous ny moy*: & etiam *Hispani*, *Ni el uno ni el otro*. Neque hîc prætereundæ quædam *resumptiva* locutiones, v. g. *Petrus hoc non fecit, neque ego*; *Volo ire pransum, & ego quoque*. Negativum sic exprimunt *Galli*, *Ny moy non plus*: *Itali*, *Nè manco io*: *Hispani*, *Ni yo tanpoco*. Affirmativam sic declarant, *Et moy aussy, Anch'io, yo tambien*, & sic de similibus.

Sed notandum hanc ultimam *Italorum* particulam, scilicet *Ne*, alio posse usurpari sensu. Si simpliciter scribitur, aut erit *Relativa* aut *Præpositio*; Si *Relativa absoluta* est, & sola profertur, ut *Gallorum En, Voi ve ne pentirete*; *Vous vous en repentirez*: Si *Præpositio*, semper cum *Articulo* jungitur, & ab illis inseparabilis est, *Nel, nello, nella, nei, negli, nelle*: vel *Apostropho* notatur *Ne'*, & tunc suas & *Articuli* vices gerit, ut à principio insinuavimus, in *Accentuum* scilicet *Cap.*

Etiam apud *Gallos* est in usu, sed *Adverbialiter* & *Negativè* sumitur, respondetque *Latinorum* *Negativæ ne* aut *non*: ultimam *Itali* integram servant, *Non volete venire, non fare, non dire*. *Hispani* rescindunt *n* finalem, *No quiere v. m. venir, No lo haga por vida de sus ojos*. Hanc similiter *Latinorum* *Negativam* retinent *Galli*, sed differt à prima *ne*, quod videlicet semper jungitur verbo, & ante illud poni solet; & verbo iterum postponitur alia

Negativa, v.g. *pas, point, rien, jamais*, & ejusdem generis quamplurimæ, *Il ne m'a pas dict cela, je n'ay point recu de lettres, je n'ay rien à vous dire davantage, je n'ay jamais rien veu de semblable*: Altera verò absolute & sine verbo ponitur, maxime in responso negativo, *Non Monsieur, non Madame*: & aliquando etiam cum alia negativâ jungi potest, *Non pas que je voulusse m'en servir*, sicut Itali solent addere *Già, Non già ch'io volessi servirmene*; vel *mica*, quæ obsoletæ Gallorum *mie* suam debet originem, interponendo *e*, eodem modo quo dicunt à *bois, bosco*; habes exemplum in *Aminta* Tassii, *Non mica un dio selvaggio, ò de la plebe degli Dei*: vel *Punto*, *Egli non pensava punto a quel che haveva da fare*, vel tandem *mai*, *non hò mai visto tal cosa*.

Si particulæ *Ne* transponantur literæ erit Gallorum & Hispanorum Præpositio *En*, quam Latini dicunt *In*, mutando videlicet *i* in *e*. Sed Itali Latinorum *In* retinent, quæ cum præcedenti eadem est, sed cum hoc discrimine, quod *ne* Articuli societatem expetat, ut jam diximus: *In* verò articulum respuit, & illius consortium nullo modo ferre potest; sicut etiam Gallorum *en*. Ideo Galli articuli dativum usurpant, quando videlicet nomen, quod à simili regi-ur Præpositione sine articulo exprimi nequit, *Il est au marché*, est in foro; *aux champs*, in campis; *à l'église*, in templo: Nec non quando fit motus, loco scilicet Latinorum Præpositionis *ad*, *Il est allé à la ville*, Ivit ad Civitatem; *Au cabaret*, ad tabernam, &c. Hoc etiam Italici familiare est, *è andato al mercato, alla chiesa, à Roma*: nec non Hispani, *To tengo de yr a la Comedia, a la Corte, al Palacio, a Madrid*.

Conditionalem Latinorum *Si*, retinent Galli & Hispani. Itali mutant *i* in *e*, *Se*: vel servant *i*, sed tunc est Adverbium Affirmativum, Hispani etiam commune; cum hoc

hoc solo discrimine, quod apud *Hispanos* nomini præponatur, *Si señor, Si señora*: apud *Italos* postponatur, *Signorfi, Signorafi*. Sed jam *Aulici Hispanica* æmulantur gravitati, & æquè benè ac illi dicunt *Si signore, Si signora*.

Adversativam Gallorum *mais*, quæ Latinis sonat *sed*, Hispanis communis erit, si diphtongum in simplicem vocalem reducas, *mas*: quæ etiam adverbialiter & comparative usurpatur, *mas lindo, mas hermofo, mas veliaco*. Itali *Hispanorum* finalem rejiciunt consonam *mà*; aut Gallorum servant diphtongum *mai*; sed tunc erit Adverbium temporis, quod Latinis nunquam sonat: *Nunquam fuisti Roma? Non sete mai stato à Roma*: quæ ultima significatio etiam apud veteres Gallos fuit in usu, ut in hoc *Helinandi* textu, *Mais moult pourront aller, ains que tel maistre puissent mais reconurer*: ubi primum *mais* est Conjunctio, alterum est Adverbium. Sed hoc ultimum *Galli* jam cum alia componunt voce, nimirum *ja, jamais*; parique modo *Itali* dicunt *giamaì*; Hispani *jamás*: aut Latinorum utuntur Adverbio, ultimam aufereudo consonam, & *q* in *c* mutando *nunca*; prout etiam observant *Itali* *unqua*: quod similiter *Galli* dixerunt *enque*, sed jam ferè est obsoletum.

Gallorum *comme*, Latinis *quomodo*, vel *sicut* *Itali* sibi attribuunt, sed non duplicant consonam *come*: Hispani mutant *e* in *o*, *como*.

Latinorum Adverbium *Quando*, *Italis* & *Hispanis* commune est: sed *Galli* rescindunt *o* finale, ut ex dissyllabo monosyllabum efficere queant *Quand*.

Præpositio *contra* Latinorum, *Italorum* & *Hispanorum* est: verum *Galli* mutant *a* in *e*, *contre*: & sæpè *Itali* in locum *a* substituunt *o*, *contro*.

Discretivam Gallorum *Ains*, quæ Latinis est *imò*,
F 3 etiam

tiam sibi usurpant Itali, sed addunt *i* in fine *anzi*, & simplicem vocalem in diphthongum reducunt, mutantque *f* in *z*, ut sat frequens est apud illos, v. g. quando fiunt ex *chanson cauzone*, *sans senza*, *chaulse calza*. Hispani utuntur transpositione, & interponunt *e*, *antes*: quæ omnia Adverbii quoque naturam assumere possunt, & Latinorum *antequam* æquivalere: Sed Gallorum *ains* in hac significatione jam est obsoletum, quamvis antiquitus fuerit in usu, ut in versu *Helinandi* jam citato, *ains que tel maistre pussent mais recouvrer*; Lubentius dicunt *auparavant vel deuantque*; vixque apud *Italos* simili usurpatur sensu, sed ut plurimum illi præponunt *in*, *Innanzi*: quod quidem *innanzi* potest esse Præpositio *innanzi al giudice*, quam alio efferunt modo *dinnanzi al giudice*: sicut Hispanorum *Antes*, *Antes de medio dia*, addendo *s* Latinorum Præpositioni *ante*; quam Galli dicunt *devant*, *devant midy*.

Latinorum *supra*, Italorum est si solum mutes *u* in *o*, *sopra*: si vero mutes *a* in *e*, & *p* in *b*, Hispanorum erit *sobre*; quæ consonantis mutatio etiam Italici usitata est, maximè apud Poëtas, ut in *Orlando Ariosti* *Sobra sua valor le sue speranze appoggiava*. Sed eam Galli in unam contrahunt syllabam, rescindendo videlicet vocalem & consonam, quæ prius ab Hispanis fuerant immutatae, *sur*.

Item si Latinæ Præpositioni *sine* auferas *e*, habebis Hispanorum *sin*: cui Galli addunt *s*, & *i* in *a* mutant, *sans*: & ab ea suam deducunt Itali *Senza*.

Particula Gallorum *Puis*, si mutes *i* in *e*, aderit Hispanorum *Pues*: Si rescindas consonam finalem, & *o* in locum *u* substituas, habebis Italorum particulam *Poi*: quibus aliam particulam præponere licet, *Depuis*, *despuis*; *dopoi*, *dapoi*: aut postponere, maximè *que*, pro Gallis & Hispanis, *Depuisque*, *puisque*; *despuisque*, *puesque*: quam
Itali

Itali efferunt per *che*, *Poiche*, *dapoiche*, *dopoiche*. Et notandum quod particula *que*, *che*, cuivis particula indifferenter possunt subungi; Necnon apud *Italos* tanquam expletivam usurpari, *Venga ò non venga, che non m'importa*: quo in casu *Galli* & *Hispani* hujusmodi reticent particulam, *qu' il vienne ou qu' il ne vienne pas, cela ne m'importe*; *venga ò no venga, no se me da naia*: ut solent observare pro *pure*, ut in pastore fido *Guarini*, è *pur ver che tu spiri, ò che senti pietate? ò pur m'inganno*.

Hæc item *Italorum* particula *che*, hoc peculiari gaudet privilegio, quod nimirum Participio postposita æquivallet, *Subito che*; *desinato ch' io hebbi, detto ch' egli hebbe*; & reduplicata æquipollet *Gallorum tantque*, v.g. *Il Re venne accompagnato da più di trecento Cavalieri, che Franzesi, che Tedeschi*; *Le Roy vinst acompagné de plus de trois cens Cavaliers tant François qu' Alemans*: Nec non juncta cum particula *da*, idem significat ac si *Galli* dicerent *a quoy*, vel *a quoy sommes nous propres*, *Da che diavolo tanto arrosto, quando l' aleppo può bastare*; *Da che diavolo siamo noi, quando siamo vecchi*.

Præpositionem *Latinorum* per retinent *Itali*: *Hispani* mutant e in o, *por*, vel saltem *Latinorum pro*, ultimam transponunt consonam. *Galli* simplicem *Hispanorum* vocalem in diphthongum reducunt *pour*; eodem modo quo ex *Disjunctiva o* formant *ou*: vel vocalem simpliciter mutant in a, *par*; cui iterum addunt *Hispani a*, *para*, ut secundam habeant, & *Gallis* nihil cedant. Sed *Hispanorum por* & *para* in hoc differunt, quod prima causam efficientem notet; *Lo que por mi persona yo no pudiere acabar, yo tentaré de hazerlo por otro*: vel causam finalem, sicut *Latini* dicunt *propter*, *Por mi se ha heco quistion*. *Para* personæ damnum aut utilitatem indicat, *el daño se- ra para mi y el provecho para v. m.* *Galli* causam finalem

ut

ut plurimum exprimunt per *pour*, *faictes cela pour moy*, & *je feray quelqu' autre chose pour vous*; sicut etiam utilitatem & damnum personæ, *La perte sera pour moy*, & *le profit sera pour vous*: Efficientem verò per *par* declarant, *un libure composé par un tel*: quâ in parte Itali utuntur particulâ *da*, *un libro composto dal signor tale*, eodem modo quo Latini usurpant *a* vel *ab*, *liber conscriptus à tali*.

Præpositio *Con* Italis & Hispanis communis est à Latina *Cum* deducta, mutando *u* in *o*, & *m* in *n* eâdem ratione, quâ Itali formant ex *Sum* *sono*, ex *damnum* *danno*; sed in Adverbiis compositis Latinorum *metum*, *tecum*, *secum* Itali rejiciunt *m*, *meco*, *teco*, *seco*; quas loquendi formulas & ejusdem generis alias circumferunt *Romani* & *Sanenses* cum Pronomine *Esso*, *con esso me*, *con esso noi*, *con esso lui*, *con esso lei*, *con esso loro*, &c. Hispani verùm tria supradicta retinent Adverbia more *Italorum*, sed iterum Præpositionem præponunt, & mutant *c* in *g*, *comigo*, *contigo*, *configo*: Galli peculiarem habent Præpositionem, nimirum *avec*; *avec moy*, *avec luy*, *avec eux*, &c.

Adverbiis tandem *qualitatis*, quæ Galli desinunt in *ment*, Itali & Hispani addunt *e*, & apud illos unicâ ferè voce solent exprimi; saltem quæ à Latinis veniunt, *Prudenter* *prudement* *prudentemente*; *sapienter* *sagement* *saviamente*; *faciliter* *facilement* *facilmente*; fiuntque à nominibus Adjectivis scilicet in *e*, & fœmininis in *a*, addendo *mente*, *Leggiadra* *leggiadramente*, *dolce* *dolcemente*; *hermosa* *hermosamente*, *difficil* *difficilmente*. Sed notandum apud *Hispanos*, quando duo aut plura hujus generis Adverbia immediatè junguntur in oratione, ultimi solius profertur terminatio, *Linda y pulidamente*; ne scilicet sit ingrata similis terminationis repetitio. Hæcque sufficiant.

t
.
.
;
.
.
&
n
ia
m
n.
n,

in
erè
n-
ent
e à
ad-
en-
no-
ge-
imi
e